

聖濟總錄

吳錫璜著

巳4

8649



南京中醫藥大學圖書館版權所有

大德重校聖濟總錄卷第三十八

霍亂門

霍亂統論

論曰三焦者水穀之道路氣之所終始也因風冷或飲食傷胃致中焦不和則正氣不守而邪得以干揮霍之間便致撩亂故名霍亂蓋清濁相干於腸胃之間心痛則吐腹痛則利甚者吐利俱發其不吐不利俗謂之乾霍亂亦以冷氣暴爭於中而不得出也然脉必代者以氣不足也脉大能言者為可治若其脉微氣劣而不欲言者為難治

霍亂吐利

論曰霍亂吐利者以三焦氣不升降而清濁相干於腸胃間若先心痛則吐先腹痛則利心腹並痛則吐利俱發治此者當以中焦為本中焦既和則清濁自分而吐利止矣
治霍亂吐利不止藿香湯方


藿香去梗半兩

白芷

縮沙去皮各壹兩

丁香壹分

右四味粗擣篩每服二錢匕水一中盞煎至六分去滓熱呷不計時候



治霍亂吐利不止正胃湯方

枇杷葉拭去毛炙桂皮去粗

厚朴去粗皮陳橘皮去白焙

右四味擣羅為粗末每服二錢匕水一盞入生薑三片煎至六分去滓熱服不計時候

治霍亂吐利白木湯方

白木三兩甘草炙

附子炮裂去皮臍人參各壹兩

桂皮去粗

當歸焙切陳橘皮去白焙

右七味剉如麻豆每服五錢匕煮小麥汁一盞半入竹葉一握生薑半分拍碎煎至八分去滓溫服日三

治霍亂吐利陳橘皮湯方

陳橘皮去白焙

甘草炙壹兩

白木三兩

右三味粗擣篩每服五錢匕水一盞半入竹葉十片生薑半分小麥汁半盞煎至八分去滓溫服日三

治霍亂大豆飲方

大豆 香薷

蘆根

枇杷葉拭去毛炙竹茹



前胡法蘆頭

陳橘皮去白焙

右七味等分
治霍亂吐利不止
理中湯方
溫服
右七味等分
吐
咀
每服五錢匕
以水一盞半
入生薑一分
切煎取一盞去滓

治霍亂吐利不止理中湯方

人參

白朮各三兩

甘草炙

乾薑炮各二兩

右四味粗擣篩每服五錢匕
吐下者加當歸二兩切焙厚朴二兩去粗皮薑汁炙透

治霍亂吐下虛冷厥逆腹痛乾嘔四順湯方

乾薑炮

甘草炙

人參各二兩

附子壹枚炮裂去皮臍

右四味剉如麻豆每服五錢匕
加龍骨二兩腹痛不止加當歸二兩切焙

治霍亂吐瀉不止葛蒲飲方

葛蒲切焙

高良薑

青橘皮去白焙各壹兩

白朮

甘草炙各半兩

右五味擣為粗末每服三錢匕
以水一盞煎十數沸傾出放溫頓服

聖濟總錄

卷三十一

霍亂門



中藥大學圖書館

治冷熱不調霍亂吐瀉香薷丸方

香薷壹兩半

白扁豆炒

木香各壹兩

丁香皮二兩

藿香去梗

零陵香各半兩

益智人壹分

右七味搗羅為末麩糊和丸如梧桐子大每服二十九丸食前溫紫蘇湯下

治霍亂吐下人參湯方

人參

乾薑炮

陳橘皮焙

桂去粗皮各壹兩

甘草炙半兩

右五味粗搗篩每服三錢匕水二盞入棗三枚擘煎取一盞去滓熱服連進

三服立止

治霍亂不止丁香散方

丁香

木香

肉豆蔻去殼各壹兩

右三味搗羅為細散每服二錢匕白粥飲調下熱服

治霍亂吐逆腹痛或便利數多冷熱不調訶梨勒丸方

訶梨勒皮微炒

陳橘皮去白焙各壹兩

乾生薑切三分

甘草炙半兩

右四味搗羅為末鍊蜜丸如梧桐子大每服二十九丸煎生薑米飲下不計時候

治飲食過多當風履濕薄衣露坐或夜卧失覆霍亂吐利人參丸方



医药大学图书馆版

人參

高良薑炮各壹兩

右二味搗羅為末鍊蜜和丸如彈子大每服一丸溫米飲嚼下不計時候

治霍亂吐利不止正元湯方

枇杷葉拭去毛炙桂皮粗

厚朴去粗皮薑汁炙陳橘皮去白焙各半兩

右四味粗搗篩每服三錢匕水一盞入生薑三片煎至六分去滓熱服不以

時候

治霍亂吐瀉四肢厥冷香薷飲方

香薷去梗兩半草烏頭浸切去皮臍暴乾二兩入鹽不用炒烏頭黃褐色去鹽不用藿香去梗焙

黃連去須以吳茱萸二兩同炒黃連去茱萸不用取二兩

右四味搗羅為粗末每服三錢匕以水二盞酒半盞同煎至一盞去滓新汲

水沉極冷頓服相次四肢暖吐瀉定病輕每服一二錢匕

治霍亂吐逆不定手足厥冷面青諸藥不効青金散方

硫黃壹兩鎔作汁水銀壹兩隨硫黃汁結作沙子

右二味研為散每服二錢匕冷木瓜湯調下冷米飲亦得

治霍亂吐瀉冷熱不調和氣煮散方



胡椒

菜豆各壹兩

人參壹分

右三味生擣羅為散每服三錢匕水一盞同煎五六沸去滓熱服
治食飲過傷霍亂吐瀉丁香丸方

丁香

白朮

縮沙人

木香

肉豆蔻皮去

乾薑炮

桂去粗皮各三分

陳橘皮去白焙壹兩

枳殼去瓢炒

紅豆蔻去皮各半兩

右一十味擣羅為末鍊蜜和丸如梧桐子大每服二十九煎生薑木瓜湯嚼下

治霍亂吐利心腹疼痛氣逆手足冷乾薑湯方

乾薑炮

甘草炙

桂去粗皮

附子炮裂去皮臍

草豆蔻皮去

肉豆蔻去殼麩裏煨

木香

高良薑炒

乾木瓜各半兩

右九味剉如麻豆每服三錢匕水一盞煎至七分去滓溫服

霍亂嘔吐不止

論曰霍亂嘔吐不止者胃氣逆故也胃氣逆則氣上而不下故嘔吐不止也若上下升降陰陽和平而吐自止矣



治霍亂吐逆不定手足厥冷面青不樂青金散方

硫黃

壹兩蓋子內鎔作汁

水銀

壹兩二味結作沙子

右二味為細散每服一錢匕冷木瓜湯調下冷米飲亦得

治霍亂定嘔逆止心腹刺痛進飲食化痰益氣人參藿香湯方

藿香葉

厚朴

去粗皮薑汁炙各二兩

人參

白茯苓

去黑皮

乾薑

炮

青橘皮

湯浸去白焙

枇杷葉

去毛

半夏

為末生薑汁和作餅子暴乾各

壹兩

甘草

炙三分

丁香

半兩

草豆蔻

去皮六枚

右一十一味粗搗篩每服三錢匕水一盞生薑三片煎至七分去滓熱服不拘時

拘時

治霍亂心腹痛嘔吐不止吳茱萸湯方

吳茱萸

湯浸炒

乾薑

炮各壹兩

甘草

炙壹兩半

右三味粗搗篩每服二錢匕水一盞煎至七分去滓溫服不拘時

治霍亂吐逆不止煩悶香薷湯方

香薷

經霜後收陰乾壹斤

厚朴

去粗皮薑汁炙藟豆各半斤

右三味粗搗篩每服五錢匕水一盞酒半盞同煎至一盞去滓放冷併二服



未効再服

治下虛陰陽錯逆霍亂吐逆粥食不下正氣丹方

硫黃汁蓋內鎔成三分

半夏為末薑汁作餅暴乾

藿香葉各壹兩

水銀入硫黃汁內結沙壹分

附子炮裂去皮臍半兩

右五味為細末酒煮麩糊丸如梧桐子大以丹砂為衣每服二十九至三十

丸米飲下不拘時

治霍亂嘔吐不止水壺湯方

高良薑生剉

右一味粗擣篩每服三錢匕水一盞棗一枚去核煎至五分去滓用水沉冷

頓服立定

治冷熱氣不調霍亂吐逆不定腹脇脹滿高良薑湯方

高良薑 桂去粗皮

人參各壹兩 甘草炙半兩

右四味粗擣篩每服三錢匕水一盞棗一枚去核煎至七分去滓溫服不拘時

治霍亂嘔吐不思飲食厚朴湯方

厚朴去粗皮薑汁炙二兩

人參 白朮各壹兩半

半夏為末生薑汁調作餅暴乾



陳橘皮

湯浸去白 焙各壹兩

右五味粗擣篩每服三錢匕水一盞生薑三片棗一枚去核煎至七分去滓

溫服不拘時

治一切霍亂嘔逆手足厥冷返魂湯方

鹽

壹分

生薑

洗切 壹兩

右二味用童子小便一椀半煎取一椀去滓分溫三服

治脾藏有積霍亂吐逆乾薑散方

乾薑

炮

訶梨勒

去核

白礬

燒汁 壹兩

丁香

甘草

炙各 半兩

右五味為細散每服一錢匕飯飲調下不拘時

治霍亂下焦熱氣逆上嘔吐不止名曰走哺人參湯方

人參

梔子人

姜蕤

黃芩

去黑 心

知母

各壹 兩

白茯苓

去黑 皮

白朮

陳橘皮

湯浸去白 焙 各壹兩半

石膏

碎壹 兩半

右九味粗擣篩每服三錢匕生薑三片水一盞煎至七分去滓溫服日三

治霍亂走哺嘔吐不止或噎塞心熱滿悶香鼓湯方

鼓炒二

生乾地黄

洗切 焙 壹兩

白朮

二 兩

甘草

炙壹 兩



石膏碎三兩

白茯苓去皮壹兩半

右六味粗搗篩每服五錢匕水一盞半竹葉十片葱白二寸煎至一盞去滓

溫服日三

治霍亂走哺嘔吐不止噎塞滿悶芒消湯方

芒消別研

生乾地黄洗切焙

白朮

甘草炙各壹兩

豉炒

白茯苓去黑皮各壹兩半

石膏碎二兩

右七味粗搗篩每服五錢匕水一盞半竹葉十片葱白二寸煎至一盞去滓

溫服日三

治霍亂吐嘔四汁煎方

生藕汁

生葛汁

木瓜汁各壹合

生薑汁肆合

右四味銀器中慢火熬如錫每服兩匙頭許含化徐徐嚥津

治嘔吐煩悶及霍亂雞子湯方

人參壹兩

右一味粗搗篩用水三盞煎至一盞半去滓重煎令沸投入雞子白一枚打

轉掠去沫頓服



治冷熱不調霍亂吐利宿食不消理中丸方

人參

白朮

高良薑

各兩

乾薑

桂

去粗皮各六兩

右五味搗羅為末鍊蜜和丸如梧桐子大每服二十九空心米飲下日再

治霍亂吐逆開胃和氣藿香散方

藿香葉

焙壹兩

訶梨勒皮

焙拾枚

人參

丁香

各半兩

糯米

三佰粒

石蓮心

二佰枚

甘草

炙對壹分

右七味搗羅為散每服二錢七煨和皮生薑一塊棗兩枚同煎濃湯調下食

前空心

治脾胃虛冷嘔逆霍亂瀉痢脹滿訶梨勒丸方

訶梨勒皮

五倍子

黃連

去須

鍾乳粉

白礬

各四兩 熬令汁枯

縮沙蜜

皮去

厚朴

去粗皮生薑汁炙

當歸

焙切

酸石榴皮

剉炒

胡椒

樗根皮

剉各二兩半

乾薑

炮一兩半

乾木瓜

剉

烏梅肉

炒

橡實

微炒各伍兩

肉豆蔻

煨去殼伍枚

陳橘皮

湯浸去白焙二兩

右一十七味搗羅為末醋并艾葉汁煮麩糊和丸梧桐子大每服五十九棗

湯下空心食前日二服



治冷熱不調霍亂吐利宿食不消五味理中丸方

甘草炙

人參

桂去粗皮

乾薑炮

高良薑

右五味各等分檮羅為末鍊蜜和丸如梧桐子大每服三十九丸温酒下空心食前日再服

霍亂四逆

論曰四肢為諸陽之本陽氣之所通也霍亂吐利陽氣暴厥故四肢逆冷而脉微欲絕也古法治四逆專於通脉蓋榮衛行流氣道升降則手足自和逆者順矣治霍亂多寒手足冷厥脉絕四逆茱萸湯方

吳茱萸洗炒

當歸切

桂去粗皮

芍藥各三兩

細辛去苗葉

木通剉

甘草炙各二兩

右七味粗檮篩每服五錢匕生薑一棗大拍碎棗三枚擘破水一盞酒半盞煎至八分去滓温服

治霍亂嘔逆四肢厥冷煩悶流汗飲食不化心腹虛滿拘急短氣理中湯方

麥門冬去心焙

人參

白朮各二兩

乾薑炮六兩

甘草炙伍兩

附子炮裂去皮臍

白茯苓去黑皮各三兩



右七味剉如麻豆每服三錢匕水一盞煎至五分去滓温服

治霍亂四逆吐下煩嘔轉筋肉冷汗出體痺氣急垂死音聲不出脉不通者附

子湯方

附子

炮裂去皮臍

人參

厚朴

汁去粗皮生薑塗炙乾

白茯苓

皮去黑

甘草

炙

陳橘皮

炒去白

當歸

焙切

葛根

剉

桂

皮去粗

乾薑

炮壹兩

右一十味剉如麻豆每服五錢匕水一盞半煎至八分去滓温服隨藥吐者

更服勿止

治霍亂脉微欲絕或惡寒四肢拘急手足厥逆或吐利已定汗出而厥四逆不

解通脉四逆湯方

甘草

炙二兩

附子

炮裂去皮臍二枚

乾薑

炮三兩

右三味剉如麻豆每服五錢匕水一盞半煎至八分去滓温服脉出即愈面

色赤者加葱白二莖同煎腹痛去葱白加芍藥二兩嘔加生薑一分切同煎

咽痛去芍藥加桔梗并人參二兩以吐利止為度

治霍亂吐利手足逆冷龍骨湯方



龍骨白者

附子炮裂去皮

乾薑炮

甘草炙

人參各壹兩半

右五味剉如麻豆每服三錢匕水一盞煎至七分去滓溫服

治霍亂吐利已定汗出厥冷四肢拘急腹中痛不解脉欲絕桔梗湯方

桔梗剉炒壹兩

甘草炙

附子炮裂去皮臍各二兩

乾薑炮壹兩

右四味剉如麻豆每服三錢匕水一盞煎至七分去滓溫服

治霍亂吐下虛冷厥逆乾薑湯方

乾薑炮

甘草炙

人參各二兩

附子炮裂去皮臍壹枚

右四味呔咀如麻豆每服六錢匕水二盞煎至一盞去滓溫服下甚者加龍

骨搗研二兩腹痛不止加當歸二兩切焙

霍亂欲死

論曰霍亂欲死者真氣厥而邪氣盛也或邪氣暴爭而未得吐利或吐利雖極而邪氣猶勝故真氣為之困乏其證煩悶痞滿四逆自汗脉微若絕者是也此由陰陽痞隔不得升降內經所謂出入廢則神機化滅升降息則氣立孤危治霍亂吐利已止汗出而厥四肢拘急不解脉微欲絕通脉四逆湯方



附子炮裂去皮臍壹枚

甘草炙壹兩半

乾薑炮三兩

右三味剉如麻豆每服三錢匕水一盞半煎至一盞去滓溫服脉出即愈若面色赤者每服加葱白三寸腹中痛者每料加芍藥二兩仍去葱白嘔逆者每服加生薑五片咽痛者去芍藥加桔梗一兩利止脉不出者去桔梗加人參二兩皆與方相應乃服之仲景用通脉湯逆加猪膽汁湯

湯方

人參

附子炮裂去皮臍厚朴去粗皮生薑汁炙

白茯苓去皮黑

甘草炙

陳橘皮湯浸去白焙

當歸切焙

葛根剉

乾薑炮

桂去粗皮各二兩

右一十味剉如麻豆每服三錢匕水一盞煎至七分去滓溫服不拘時

治霍亂吐利不止腹痛轉筋煩悶欲死赤茯苓湯方

赤茯苓去皮黑五味子

藿香葉各半兩黃耆剉

當歸切焙

白木炒各壹分乾木瓜

人參各壹兩

右八味粗擣篩每服三錢匕水一盞煎至七分去滓溫服不拘時



治霍亂不吐不利氣脹滿悶欲絕者阿魏丸方

阿魏研

青橘皮湯浸去白焙各壹分

酸石榴皮

五味子各半兩

陳麴炒壹兩

右五味先擣後四味細羅為末與阿魏同研令勻用糯米糊丸如梧桐子大

每服二十九丸溫熟水下如脚轉筋絕甚者研開溫熟水調下

治霍亂吐不止欲死生薑散方

生薑二兩切焙

陳橘皮湯浸去白焙

乾木瓜各壹兩

右三味擣羅為散每服二錢匕溫水調下連三五服

治飲食傷飽取涼過度霍亂脹悶欲死上下不通雄雀糞散方

雄雀糞二拾壹粒炒

右一味研細用煖酒半盞調服未效再服

治霍亂多寒手足厥冷脉絕吳茱萸湯方

吳茱萸半升洗焙

當歸切焙

桂皮粗

芍藥各三分

細辛去苗葉

木通剉

甘草炙各半兩

右七味以咀如麻豆大每服五錢匕水一盞酒半盞入生薑一棗大拍碎棗



二枚擘煎至一盞去滓溫服如氣痞加葛根半兩去棗

霍亂心腹痛

論曰霍亂者由脾胃虛弱客風冷之氣陰陽不和致水穀相并清濁莫分變亂於腸胃之間令人心胸煩懊悶亂不安因名霍亂然邪氣上干於陽絡則心痛而嘔吐下搏於陰經則腹痛而泄利故謂之霍亂心腹痛也

治霍亂吐逆心腹疼痛或便利數多冷熱不調訶梨勒丸方

訶梨勒皮炒 陳橘皮湯浸去白 生薑切炒 甘草炙半

右四味搗羅為末鍊蜜和丸如梧桐子大每服二十九煎生薑米飲下不計

時候

治霍亂吐瀉心腹疼痛理中丸方

高良薑剉 白朮各壹兩 桂去粗皮 甘草炙各半兩

右四味擣羅為末鍊蜜和丸如彈子大每服一丸不計時候濃煎橘皮湯化

下

治霍亂心腹痛煩嘔不止桂心湯方

桂去粗皮 厚朴去粗皮塗生薑汁炙四兩 枳實去瓢炒



右三味粗搗篩每服三錢匕生薑三片水一盞煎至七分去滓溫服不拘時
治霍亂中冷心腹痛當歸湯方

當歸 切焙 三兩 桂皮 去粗 甘草 炙各 二兩

右三味粗搗篩每服三錢匕水一盞煎至七分去滓溫服不拘時
治霍亂吐下虛煩不止心腹絞痛溫中湯方

人參 乾薑 炮 白朮 甘草 炙

右五味等分粗搗篩每服三錢匕水一盞煎至七分去滓溫服不拘時

治霍亂心腹痛薺苳飲方

薺苳 厚朴 去粗皮塗生 薑汁炙到

枳殼 去瓢 炒 葛根 剉 犀角 鎔 知母 焙

白茯苓 去皮 黑 甘草 炙 人參 藍實 炒 黃芩 去黑心 各壹兩

右一十四味粗搗篩每服三錢匕水一盞煎至七分去滓溫服不拘時

治霍亂宿食不消心腹疴痛抵聖散方

厚朴 去粗皮生薑 汁塗炙 四兩 白朮 二兩 吳茱萸 湯洗焙乾 炒壹兩

高良薑 兩半 人參 白茯苓 去皮 黑 甘草 炙 剉 木香



枳殼去麩 炒 草豆蔻皮去 陳橘皮去白 焙 各壹兩

右一十一味搗羅為散每服二錢匕沸湯調下不拘時候

治霍亂心腹痛急如中惡芎蒲汁方

生芎蒲剉碎 四兩

右一味以水同搗絞取汁一盞分為四服每用熱湯和溫服併三服

治霍亂心腹疴痛沉香丸方

沉香 丁香 犀角鎔 枳實去麩 炒 肉豆蔻去殼 炮

木香 蓬莪茂炮各 半兩 胡椒壹分

檳榔剉 四枚 乳香研

沒藥研各 半兩 巴豆去皮心 研出油 壹錢 麝香研各

右一十三味先搗前九味為末與巴豆沒藥乳香麝香和令勻糯米粥為丸

如萊菔子大每服五丸用生薑橘皮煎湯下加至十九

治霍亂吐下心腹痛乾嘔手足冷不止乾薑湯方

乾薑炮 甘草炙 人參各壹兩 附子炮裂去皮 臍壹枚

右四味剉如麻豆每服三錢匕水一盞煎七分去滓溫服不拘時

治霍亂卒暴心腹痛備急丸方



乾薑炮

大黃炮各壹兩

巴豆去皮心炒乾別研半兩

右三味擣羅二味為末與巴豆和勻麩糊為丸如菉豆大每服二丸橘皮湯下得利為効痛止勿服

治霍亂心腹痛煩不止或嘔厚朴湯方

厚朴去粗皮生薑汁炙別

桂去粗皮

枳殼去瓢麩炒各二兩

芍藥

檳榔剉各壹兩

右五味粗擣篩每服三錢匕水一盞入生薑五片煎取七分去滓溫服不拘時

治霍亂吐利不止心腹俱痛桃葉飲方

桃葉秋冬取枝搗壹升

右一味搗碎以水五盞和絞取汁每溫服一盞不拘時

治霍亂心腹冷痛嘔逆惡心大腸滑泄縮沙蜜散方

縮沙蜜去皮炒陳麩炒

白朮剉炒

乾薑炮

龍骨

赤石脂

吳茱萸湯浸焙炒芎藭

芍藥

右九味等分搗羅為散每服二錢匕熱米飲調下不拘時



治霍亂吐瀉不止心腹疴痛煩渴良薑散方

高良薑劉炒壹分蒼術米泔浸壹宿劉炒

肉豆蔻殼去吳茱萸湯浸焙炒人參

麥門冬去心焙陳橘皮湯浸去白焙訶梨勒皮各三分

右八味搗羅為散每服三錢匕米飲調下不拘時服

霍亂心腹築悸

論曰腎水也脾土制之水乃下行今霍亂吐下脾胃既虛則土不能制水故腎

氣上乘於心心氣乃築築然而悸動也

治霍亂吐下過多臍上築悸恐作奔豚理中去木加桂湯方

甘草炙人參桂去粗皮各三兩乾薑炮壹兩

右四味粗搗篩每服三錢匕水一盞煎至七分去滓溫服不拘時

治霍亂心腹築悸附子湯方

附子炮裂去皮臍壹兩白茯苓去黑皮人參甘草炙

乾薑炮各二兩

右五味劉如麻豆每服三錢匕水一盞煎至七分去滓溫服日三

治霍亂臍上築悸及四肢逆冷附子湯方

霍亂門



附子

炮裂去皮
臍半兩

半夏

生薑汁
製炒

甘草

炙各
壹兩

右三味剉如麻豆每服三錢匕水一盞棗一枚擘破粳米一撮煎至七分去

滓溫服日三

治霍亂洞泄不止臍上築悸乾薑湯方

乾薑

炮

人參

甘草

炙各
三兩

白茯苓

去皮黑

陳橘皮

湯浸去白
焙各四兩

桂

去粗
皮

黃耆

剉各
二兩

右七味粗搗篩每服三錢匕水一盞煎至七分去滓溫服日三

治霍亂臍上築悸平胃湯方

乾薑

炮二
兩

附子

炮裂去皮
臍半兩

人參

甘草

炙

白茯苓

去黑皮
各三兩

右五味剉如麻豆每服三錢匕水一盞煎至七分去滓溫服日三

治霍亂心下築悸腎氣動茯苓湯方

白茯苓

去黑皮

人參

各三
兩

甘草

炙

白朮

各二
兩

乾薑

炮壹
兩

右五味粗搗篩每服三錢匕水一盞煎至七分去滓溫服日三

霍亂心腹脹



論曰霍亂心腹脹者陰陽氣不升降胃中虛客氣內實故脹而悶亂也挾穀不化內煩而嘔者降氣于下則病可愈

治霍亂心腹脹滿疼痛破氣消食高良薑湯方

高良薑剉

厚朴去粗皮塗生薑汁三度炙乾

陳橘皮湯浸去白焙乾

白朮

桑根白皮剉炒甘草炙各二兩

人參壹兩

木瓜去皮鞣乾二兩并子

五味子棟二兩

桂去粗皮

檳榔剉

訶梨勒皮

木香

肉豆蔻人各壹兩

鹽三升淘去泥滓鍊成鹽花研

右一十五味先擣前十四味細羅為末與鹽花末同研令勻以水五升下藥

末一時入鍋中和鹽花同煎不住手攪候水泣出藥於盆中乾貯之每服兩

錢匕入生薑少許煎湯點服之

治霍亂心腹脹滿氣逆或內煩而嘔手足厥冷金針丸方

陽起石煨研

不灰木研

阿魏研各半兩

巴豆去皮心膜不去油二拾伍粒

杏仁湯去皮尖及雙人研二拾伍枚

右五味擣羅為細末軟粟米餅丸如櫻桃大每服一丸先穿一眼子欲服時

燈上燒烟盡於冷為末生薑米飲調下以利為度



治霍亂一切冷氣宿食不消心肋脹痛胃冷嘔噦并諸痰飲鼈甲丸方

九肋鼈甲厚重綠色者一枚打鐵脚子格得鼈甲者平穩安於爐中下用

麩炭火炙之取好米醋五大合少少傾於甲中旋以雞翎塗於甲內令勻

炙盡米醋即得切不得令火猛及鼈甲背上色變炙了以薄醋刷洗打碎

烈日中暴乾擣羅成粉取五兩入後藥

京三稜炮 附子炮裂去皮

白石脂研 赤石脂研

白龍骨研各半兩 肉豆蔻人壹兩

白豆蔻人壹兩半如無以草豆蔻二兩代之

木香 牛膝酒浸去苗焙去

當歸洗淨 白木

桂去粗皮 防風去

陳橘皮湯去白焙 芍藥

華撥各二兩

牛乳壹升不得令有水

右一十九味除牛乳外擣羅為細末別取華撥末一兩和牛乳慢火煎如錫與衆藥杵勻衆手丸如梧桐子大霍亂甚者取五十九丸嚼破以人參橘皮湯下立愈未全愈更服三十九丸

治卒霍亂吐瀉腹疔刺上吐下瀉香薷湯方

香薷劉二

木瓜去麩子焙乾劉 荆芥穗

熟艾各半兩

陳廩米炒半



黑豆炒壹

右六味粗搗篩每服五錢匕水一盞半煎至一盞去滓溫服日三如人行三

五里進一服

治霍亂吐瀉腹滿不消食心腹痛理中湯方

人參

乾薑炮裂

白朮

甘草炙各壹兩

右四味粗搗篩每服三錢匕水一盞煎至七分去滓熱服

治霍亂脾胃氣攻腹脹滿不下食白朮湯方

白朮

壹兩半

枳殼

去瓤壹兩壹分

右二味粗搗篩每服三錢匕入大棗三枚擘去核水一盞煎至六分去滓空

腹溫服早晨午時日晡各一服

治霍亂嘔吐腹脇脹滿枳柳湯方

枳柳

剉

陳橘皮

湯乾壹兩

白茯苓

去黑皮

防風

去叉

人參

麥門冬

去心焙

紫蘇莖葉

甘草

炙

訶梨勒

煨黃去核各壹兩

右九味粗搗篩每服五錢匕入生薑一分拍碎陳米半合水兩盞煎至九分

去滓溫服日三每嘔逆時相次熱服



治霍亂未得利腹脹疔刺嘔逆不已大腹湯方

大腹用和皮

厚朴去粗皮生薑汁塗三度炙乾

防風去義

半夏湯洗各半兩

人參壹兩

右五味粗搗篩每服五錢匕木瓜三片小麥半合生薑一分拍碎水兩盞煎至一盞去滓溫服如吐時熱服

治霍亂吐利腹脹厚朴湯方

厚朴

去粗皮塗生薑汁三度炙乾四兩

枳殼

去瓢麩炒微黃壹兩半

右二味粗搗篩每服三錢匕生薑一分拍碎水一盞煎至七分去滓溫服日

三

治霍亂不得利氣急膨滿疔刺疼痛吳茱萸湯方

吳茱萸

淘炒半兩

甘草

拾枚炙壹分

乾木瓜

去皮熟并子焙三分

右四味粗搗篩每服五錢匕黑豆一百粒水一盞半煎至一盞去滓熱服如

人五里再服


治冷熱氣不調霍亂吐逆不定腹脇脹悶高良薑煮散方

高良薑

桂去粗皮各壹兩

人參三分

甘草炙半兩



右四味搗羅為細散每服三錢匕水一盞入棗二枚同煎至六分和滓溫服
不計時

治霍亂腹脹煩悶不止手足厥逆救命散方

地龍

自死者或踏死者焙乾

蛤粉

右二味等分搗羅為細散每服二錢匕蜜水調下

治霍亂心下堅滿妨悶半夏湯方

半夏

湯洗柒遍焙切三兩三分

人參

壹兩三分

白茯苓

去黑皮二兩半

右三味對如麻豆大每服五錢匕水一盞半入生薑半分切煎至一盞去滓

溫服如人行八九里再服

治霍亂下利氣脹飲食不消木香散方

木香

丁香

白朮

炒

菖蒲

山薑子

桂皮

去粗皮

甘草

炙

人參

吳茱萸

洗淨炒

白豆蔻人

陳橘皮

湯去白焙

肉豆蔻

去皮炮

高良薑

草豆蔻

去皮

右一十四味等分搗羅為細散每用四錢匕木瓜湯調下

治霍亂不吐不利壅悶腹脹或疔痛桔梗散方



桔梗炒壹兩

桂皮去粗

檳榔剉

白朮各三分

人參兩二

青橘皮炒去白麩剉

大黃剉炒

木香各三分

右八味擣羅為細散以冷生薑湯調下三錢匕

治霍亂脾氣冷腹脹不能食胸膈氣痞厚朴丸方

厚朴去粗皮生薑汁炙三分

枳殼去麩炒

白朮

人參

桂皮去粗

乾木瓜各半兩

乾薑炮

甘草炙

胡椒各壹分

右九味擣羅為末鍊蜜和丸如梧桐子大每服二十九丸煎蘭香湯下

大德重校聖濟總錄卷第三十八



大德重校聖濟總錄卷第三十九

霍亂門

霍亂昏塞下利

論曰霍亂昏塞下利者其人脾腎久虛陽氣不足因風冷之氣客於三焦傳於胃府使水穀不化清濁相干吐利不止致令真氣暴虛陰陽離守神識不明大便遺利無所覺知

治霍亂虛寒精神不守泄利不止語聲不出茯苓安心湯方

白茯苓去黑皮人參

乾薑炮

桂去麤皮

遠志去心各壹兩半

甘草炙壹兩

右六味麤搗篩每服五錢匕水一盞半煎至一盞去滓溫服日三不拘時

治霍亂下焦虛寒洞泄不止黃蘗皮湯方

黃蘗去麤皮人參

地榆剉

阿膠炙燥各壹兩半厚朴去麤皮

白茯苓去黑皮檉木白皮各貳兩

艾葉壹兩

黃連去須貳兩半

右九味麤搗篩每服三錢匕水一盞煎至七分去滓溫服日三不拘時

治霍亂暴利不自知理中湯方



人參

白朮

乾薑炮

甘草炙各

右四味麤搗篩每服五錢匕水一盞半煎至一盞去滓溫服日三

治脾胃氣冷霍亂下利不自知訶梨勒丸方

訶梨勒皮

黃連去須

鍾乳粉

五倍子

白礬燒汁盡

縮沙去皮

厚朴去麤皮

樗皮

當歸焙切

酸石榴皮各貳

木瓜切

甘草炙

橡實各壹

陳橘皮湯浸去白

胡椒兩

肉豆蔻去殼炮

乾薑炮壹

胡椒兩

右一十七味為細散先醋煎艾葉一兩去滓取汁煮麩糊丸如梧桐子大每

服三十九丸煎棗湯下不拘時

治霍亂昏塞下利吳茱萸餅方

吳茱萸湯先

厚朴去麤皮

陳橘皮湯洗去白

人參各壹

胡椒兩

烏牛溺半

高良薑

胡椒各壹

木瓜切

香薷各壹

烏牛溺半

右九味先以八味為細末將牛溺捻作餅子暴乾臨用時炙燥再為細末每

服二錢匕水一盞煎至七分溫服

治霍亂暴利不禁服中雷鳴烏梅散方



烏梅肉炒

黃連去須

艾葉

赤石脂別研

當歸切焙

甘草炙

附子

炮裂去皮臍

阿膠炙燥

右八味為細散每服二錢匕覺冷則酒調下覺熱則熱水調下

治霍亂昏塞下利或病後瀉黃白無度服中虛痛黃連湯方

黃連去須四兩

黃蘗去麤皮

當歸切

厚朴去麤皮薑汁炙 乾薑炮各兩

地榆

阿膠炙燥

酸石榴皮各四兩

右八味麤搗篩每服五錢匕水一盞半煎至一盞去滓溫服不拘時

治霍亂下利手足逆冷昏塞不自知龍骨湯方

龍骨燒

附子炮裂去皮臍各壹兩

人參

乾薑

甘草炙各壹兩半

右五味劉如麻豆每服三錢匕水一盞煎至七分去滓溫服日三

治霍亂暴利昏塞不自知吳茱萸散方

吳茱萸

湯洗焙炒壹兩

陳橘皮

湯浸去白焙貳兩

右二味為細散每服三錢匕米飲調下不拘時

乾霍亂

論曰乾霍亂之狀中氣喘爭而不吐不利是也腸胃挾實與冷氣相搏正氣暴



北京中醫藥大學圖書館藏

夏神志昏冒上下隔塞白汗自出治之稍緩則不可

治乾霍亂大小便不通手足心俱熱悶亂冬葵子湯方

冬葵子

滑石碎

香薷擇各貳兩

乾木瓜細切去皮

右四味麤搗篩每服五錢匕水一盞半煎至一盞去滓溫服大小便通利中快立差日四五服

治乾霍亂上不得吐下不得瀉但冷汗自出氣悶將絕鹽湯方

鹽半匙

童子小便壹盞

右二味溫和服少頃吐下愈

治乾霍亂紫蘇丸方

紫蘇

桂皮去麤

陳橘皮湯浸去白焙

高良薑

人參各壹兩

右五味為細末鍊蜜丸梧桐子大纔覺食不消氣滿惡心欲吐不吐乾嘔每

服二十丸溫酒下日再

治乾霍亂厚朴湯方

厚朴去麤皮生薑炙參分

大黃剉炒貳兩

檳榔剉

枳殼去麤殼炒



朴消 高良薑 各參分

右六味麤搗篩每服五錢匕水一盞半煎至一盞去滓溫服

治乾霍亂人參湯方

人參 厚朴 去麤皮生薑汁炙壹兩

高良薑 桂 去麤皮各半兩

白茯苓 去黑皮壹兩 甘草 炙半兩

右六味麤搗篩每服三錢匕水一盞生薑三片煎至七分去滓不拘時溫服

治乾霍亂不吐不瀉但壅悶脈滿或疔痛木香散方

木香 青橘皮 湯浸去白焙 檳榔 生剉 大黃 剉炒各半兩

桔梗 剉炒壹兩 桂 去麤皮 白朮 各參分 人參 貳兩

右八味搗羅為散每服二錢匕冷生薑湯調下加至三錢匕以差為度

治乾霍亂不吐利大黃丸方

大黃 剉炒壹兩 乾薑 炮半兩 桂 去麤皮參分 巴豆 拾肆枚去皮心膜炒研

右四味先搗前三味為細末與巴豆同研令勻鍊蜜丸如梧桐子大每服五

丸至七丸溫水下服久未動更服三丸以溫粥飲一盞投之取利為効

治乾霍亂上氣衝急欲悶絕大小便不通檳榔湯方

霍亂門



檳榔 赤枚 判

右一味麤擣篩每服五錢匕水一盞童子小便半盞煎至一盞去滓溫服日

再

治乾霍亂腹脇脹滿不吐利心胸悶亂不可忍陳橘皮湯方

陳橘皮 湯浸去白 焙參兩

蜀椒 去目并閉口炒 出汗肆拾粒

右二味麤搗篩每服五錢匕水一盞半生薑三片煎至一盞去滓溫服不拘

時

治乾霍亂黍米飲方

黍米 貳合水 淘淨

右一味水研澄取白汁呷盡即差

治乾霍亂不吐利四肢煩身冷汗出水蓼飲方

水蓼 切 香蒿 擇切各 氣兩

右二味以水五盞煎取三盞去滓分溫三服

治乾霍亂心腹脹煩滿氣痛不得吐下方

鹽壹合水壹升煎令鹽消旋服之吐出便愈若不吐又飲之令吐必差



治脾元虛損霍亂不吐瀉腹脹如鼓心胸痰壅活命飲方

鹽壹合

生薑兩半

甘草分壹

葛根兩半

丁香粒柒

右五味細剉如麻豆用童子小便一盞半煎至一盞去滓分温二服

治乾霍亂不吐不利令人昏冒煩亂氣短上下隔塞冷汗自出二勝散方

訶梨勒皮

乾薑成塊者各貳兩

右二味不擣碎同用水二升於鈹子內煎水盡為度取出重細切焙乾擣羅為散每服二錢匕陳米飲調下

中惡霍亂

論曰中惡霍亂者客邪內干正氣暴亂使胃中食物不化氣道否結不得宣通令人心腹卒痛吐利煩悶甚則精神冒昧靡所知識此得之鬼氣所作也
治霍亂中惡不識人心痛腹脹不思飲食十香丸方

丁香

蘇合香

白檀香

沈香

木香

莎草根抄去毛

白朮剉炒

高良薑剉

安息香研

麝香研

薰陸香研

丹砂研

龍腦研各半兩

華撥炒

訶梨勒皮煨取

犀角鎊屑

厚朴去麤皮薑汁炙各壹兩

霍亂門

四



右一十七味除別研外為細末與別研者藥同研令勻鍊蜜丸如梧桐子大每服五丸温酒下老少加減服之甚者温酒研下收貯於瓷合中日四五服以差為度

治中惡霍亂心痛胸脇疔痛喘急桃枝湯方

桃東行枝白皮壹握

丹砂碎壹兩

梔子人拾肆枚 當歸焙

桂去麤皮各叁兩

附子炮裂去皮臍 豉

吳茱萸淘炒各壹兩

右八味剉如麻豆每服四錢匕水二盞生薑三片煎至一盞去滓温服用三

夜一

治中惡霍亂垂死丹砂丸方

丹砂研半分

附子炮裂去皮壹分為末

雄黃貳豆許研

右三味以巴豆七粒去心皮別研出油後入諸藥末研令極勻鍊蜜丸如麻

子大每服三丸米飲下若下利未止加三丸至五丸與少冷粥食之即定

治卒中惡霍亂心腹刺痛去惡氣麝香散方

麝香研壹分

犀角鈔屑

木香各半兩

右三味為細散空心熟水調一錢匕日三



治中惡霍亂麝醋方

麝香壹錢 細研

右一味和醋半盞調分二服即差

治中惡霍亂吐利手足麻痺或轉筋白朮湯方

白朮剉

木瓜去粗 切焙

人參各壹兩

甘草炙

乾薑炮各半兩

右五味麝搗篩每服三錢匕水一盞生薑三片棗一枚擘同煎七分去滓溫服不拘時

服不拘時

治中惡霍亂吐利心煩橘皮湯方

陳橘皮湯浸去白焙

木瓜切焙

桂去麤皮

草豆寇去皮

甘草炙各壹兩

右五味麝搗篩每服三錢匕水一盞煎七分去滓溫服不拘時

治中惡霍亂心腹痛煩悶木香散方

木香炮參分

檳榔生剉壹兩

青橘皮湯浸去白焙

桂去粗皮

桃人去皮共雙炒研

人參各半兩

右六味為細末每服二錢匕溫酒調下不拘時



霍亂煩渴

論曰經曰上焦如霧言五藏津液之所熏蒸其氣潤澤故能分布於諸脉也今霍亂吐利之人重亡津液則藏府不和上焦熱津液不足故因霍亂而煩渴也治霍亂煩渴吐不止者緣吐利多津液虛少不至上焦故渴人參湯方

人參

分參

烏梅

去核 貳枚

右二味麤搗篩每服五錢匕水一盞半竹茹彈子大煎至一盞去滓熱服日

四

治霍亂心煩渴吐利不下食草豆蔻湯方

草豆蔻

去皮 壹分

黃連

去須 壹兩

右二味麤搗篩每服三錢匕水一盞烏豆五十粒生薑三片煎至七分去滓

溫服日三

治霍亂吐利四肢煩疼冷汗出多渴香薷湯方

香薷

貳兩

麥子

壹兩

右二味麤搗篩每服二錢匕水一盞煎七分去滓溫服日三

治霍亂吐利不止渴甚麥門冬湯方

麥門冬去心 枯樓人

人參

陳橘皮湯浸去白

厚朴去麤皮薑汁炙壹兩

右五味麤擣篩每服三錢匕水一盞煎至七分去滓溫服日三

治霍亂津液少渴甚青竹茹湯方

青竹茹壹雞子大人參兩 烏梅去核

右三味麤擣篩水三盞煎取一盞去滓溫分三服不拘時

治霍亂吐利渴躁不止人參湯方

人參分叁 葛根剉 白朮 桔梗去蘆頭 赤茯苓去黑皮

右五味粗搗篩每服三錢匕漿水一盞煎至七分去滓溫服

治霍亂渴甚糯米飲方

糯米淘貳升

右一味淘取泔飲之即定

又方

右研糯米取白汁恣意飲之

治霍亂吐下大渴多飲梁米飲方



黄梁米淘五升

右一味以水一斗煮取五升澄清稍温飲之糯米飲亦得

治霍亂吐不止兼渴薑藕飲方

生藕壹兩洗切 生薑壹分洗切

右二味研絞取汁分三服不拘時

治霍亂吐瀉渴躁煩悶不止肉豆蔻丸方

肉豆蔻去殼炮 丁香 甘草炙 陳橘皮湯浸去白焙

高良薑 藿香葉各半兩

右六味為細末用棗肉丸如梧桐子大每服二十九丸三十丸温生薑米飲下

不拘時

治霍亂吐逆冷熱不調心膈煩滿咽乾多渴藿香湯方

藿香葉叁分 枇杷葉炙去毛 陳橘皮湯浸去白焙 丁香各半兩

厚朴去麤皮生薑汁炙貳兩 白茅根 乾木瓜 麥門冬去心各壹兩

甘草壹兩半炙

右九味麤搗篩每服三錢匕水一盞生薑三片煎至七分去滓早晚食前温



服

治霍亂煩渴喘促無力食即嘔吐木瓜湯方

木瓜

壹兩

木香

檳榔

生薑

各半兩

甘草

壹分

黑豆

炒壹合

人參

參分

右七味剉如麻豆每服五錢匕水一盞半煎取一盞去滓早晚食前溫服

治霍亂吐利煩渴不止木瓜湯方

木瓜

壹枝無生者乾者亦得

桂

去麤皮貳兩

右二味咬咀如麻豆大每服五錢匕水一盞半煎至八分去滓溫服一方以

豆蔻代桂

霍亂心煩

論曰霍亂心煩者緣心下有水水害心火其氣不宣故令人心煩悶亂而不安也蓋胃土氣衰不能運化飲食氣鬱於中使清濁不分陰陽干擾故霍亂而神情煩躁也

治霍亂心煩坐卧不安麥門冬湯方

麥門冬

焙去心

茯神

木去

人參

陳橘皮

湯浸去白焙

去



甘草 各壹兩

右五味麤搗篩每服三錢匕水一盞入生薑半分小麥五十粒竹葉十片煎至七分去滓溫服不拘時

治霍亂吐利後心煩亂髮湯方

亂髮 壹團如雞子 大燒存性

吳茱萸 湯浸焙 乾參分

甘草 吳

人參 各壹兩

右四味麤搗篩每服五錢匕水一盞酒半盞煎至八分去滓溫服日三

治霍亂心煩蘆根飲方

蘆根 剉焙壹兩 兩壹分

水萍 紫者 焙乾

枇杷葉 拭去毛 各壹分

右四味麤搗篩每服五錢匕入薤白四寸拍破水一盞半煎至八分去滓溫服日三

服日三

治霍亂吐後煩滿嘔逆橘皮湯方

陳橘皮 湯浸去白焙

梔子人 各貳兩

右二味麤搗篩每服三錢匕入豉半合水一盞煎至七分去滓溫服日三

治霍亂狂悶煩渴吐瀉無度氣欲絕者竹瀝飲方



淡竹瀝

壹合

粳米

壹合炒以水貳盞同研去滓取汁

右二味和勻頓服之

治霍亂心煩不止厚朴湯方

厚朴

去麤皮薑汁炙肆兩

桂

去麤皮參兩

枳實

去羸麩炒貳兩

右三味㕮咀如麻豆大每服六錢匕水二盞入生薑一棗大拍碎同煎至一盞去滓溫服日三如腹痛加當歸二兩

治霍亂心中煩悶香豉湯方

豉

七合綿裹

梔子人

厚朴

去麤皮薑汁炙各參兩

右三味㕮咀如麻豆大每服六錢匕水二盞煎至一盞去滓溫服

治霍亂心煩梁米飲方

黃梁米

半升

右一味搗為粉每服六錢匕水二盞調頓服糯米亦得

治霍亂已吐利心煩悶不止桑葉飲方

桑葉

壹大握切

右一味以水一盞煎取七分頓服立定



治霍亂後心煩卧不安席葱白大棗湯方

葱白貳拾莖
去須大棗貳拾枚
去核

右二味以水三盞煎取一盞半去滓分温二服

治霍亂後脾胃尚虛穀氣未實津液內燥令人煩躁睡卧不安白豆蔻丸方

白豆蔻皮去陳橘皮焙去白厚朴去麤皮生
薑汁浸炙

桂皮去麤白朮炒乾木瓜人參

縮沙蜜皮去高良薑炒甘草炙陳麴炒

木香乾薑
炮白茯苓去黑皮
各壹兩桃人肆兩去皮
共雙入炒

右一十八味搗研為末鍊蜜和丸如梧桐子大每服三十九丸至四十九丸空心

米飲下

霍亂逆滿

論曰霍亂逆滿雖本於飲食不消亦或痰水積聚滿逆不行皆氣為之痞也其證胸膈窒塞脇肋支滿或不得吐或吐而不上治法順其升降則愈

治霍亂逆滿氣痞胸膈咽塞妨悶飲食不消腹脇虛脹腸鳴刺痛蘇桂丸方

紫蘇葉桂去麤陳橘皮湯浸
去白人參白朮
各壹兩



甘草 炙半兩

高良薑 分參

右七味為細末鍊蜜丸如梧桐子大每服二十九至三十九溫酒下米飲亦得如緩急無湯酒細嚼藥嚥津

治霍亂逆滿兩脇下妨悶嘔不下食芫胡湯方

芫胡 去苗

厚朴 去麤皮薑汁炙

白茯苓 去黑皮各貳兩

陳橘皮 湯浸去白焙

人參

訶梨勒 皮煨去皮

桔梗 去蘆頭炒各壹兩半

紫蘇莖葉

甘草

炙各壹兩壹分

右九味麤搗篩每服五錢匕水一盞半入生薑一棗大拍碎煎至一盞去滓

溫服日二

治霍亂逆滿不下食食即吐出麥門冬湯方

麥門冬

去心焙參兩

茅根 剉兩

甘草 炙剉

人參 各一兩

右四味麤搗篩每服五錢匕水一盞半入竹茹彈子大一塊生薑一棗大拍

碎煎至一盞去滓溫服日三

治霍亂心下逆滿吐逆冒悶半夏湯方

半夏

湯洗去滑沫偏肆兩

厚朴

去麤皮薑汁炙參兩

赤茯苓

去黑皮貳兩



右三味麤搗篩每服五錢匕水一盞半入生薑一棗大拍碎煎至一盞去滓
溫服不拘時

治霍亂逆滿開胃口藿香散方

藿香葉壹兩 焙 訶梨勒拾枚 核

人參

丁香各半

糯米叁佰粒

石蓮心貳佰個 如無以白豆蔻半兩代

甘草壹分

右七味為細散每服一錢匕用煨和皮生薑一塊棗二枚去核煎湯調下早

晚食前服

治霍亂逆滿風邪熱氣衝心心悶氣短吐不下食麥門冬人參湯方

麥門冬去心 貳兩 焙

人參兩

陳橘皮湯浸去白 焙

羚羊角銹屑 各壹兩

右四味麤搗篩每服五錢匕水一盞半入生薑七片煎至一盞去滓溫服日

三

治霍亂逆滿心下痞塞半夏人參湯方

半夏為末 薑汁 漿 餅 焙 乾

人參各 兩

右二味麤搗篩每服三錢匕水一盞入白蜜一匙煎至七分去滓溫服日三



不拘時

治霍亂逆滿不下食或腹中氣妨悶豆蔻湯方

草豆蔻人半壹 兩

甘草炙 壹

右三味麤搗篩每服五錢匕水一盞半入生薑一棗大拍碎煎至一盞去滓

溫服

治霍亂逆滿胸膈噎悶飲食不消紫蘇子丸方

紫蘇子

陳橘皮湯浸去白 兩

高良薑

桂去麤 皮

人參各壹 兩

右五味為細末鍊蜜丸如梧桐子大每服二十九丸米飲下不拘時食生冷過

多欲作霍亂者含化嚙汁

治腹臧不調內寒外熱脾胃虛冷宿食不消乍秘乍利不常霍亂逆滿厚朴丸

方

厚朴去麤皮生薑汁炙

赤石脂各壹 兩

白朮

乾薑炮

麥蘖炒

人參

白茯苓去黑皮

當歸炮切

橘皮湯浸去白

甘草炙

訶梨勒煨取皮 各壹兩

霍亂門



北京中医药大学图书馆藏

右一十一味搗羅為末鍊蜜和丸如梧桐子大空心米飲下二十九至三十丸

霍亂乾嘔

論曰霍亂乾嘔者胃氣逆也本於吐利之後脾胃俱虛三焦不理氣時逆上故但嘔逆而無所出即謂之乾嘔

治霍亂乾嘔木瓜湯方

木瓜

乾者去瓢壹枚厚朴去麤皮薑汁炙半兩

乾薑

炮壹兩

人參

壹兩

右四味麤搗篩每服五錢匕水一盞半煎至八分去滓熱服不拘時

治霍亂乾嘔人參湯方

人參

甘草炙

陳橘皮

湯浸去白焙各貳兩

右三味麤搗篩每服三錢匕水一盞葱白二寸煎至六分去滓溫服

治霍亂乾嘔不止吳茱萸湯方

吳茱萸

湯浸焙乾炒

乾薑

炮壹兩

右二味麤搗篩每服五錢匕水一盞半煎至八分去滓溫服

治霍亂乾嘔不吐木香湯方



南京中醫藥大學圖書館

木香

乾木瓜

去瓤各壹兩

紫蘇莖

貳兩

右三味麤擣篩每服五錢匕水一盞半入黑豆一百粒生薑五片煎至一盞去滓溫服良久再服

治霍亂乾嘔不止薤白湯方

薤白

壹握

右一味細切水三盞煎至一盞半去滓溫分二服不拘時

治霍亂飲食輒嘔高良薑湯方

高良薑

貳兩

右一味麤擣篩每服三錢匕水一盞入生薑半分拍碎煎至七分去滓溫服

日三不拘時

治霍亂後胃弱嘔吐不止厚朴湯方

厚朴

去麤皮薑汁天肆兩

乾藹豆葉

貳兩

白朮

伍兩

人參

白茯苓

去黑皮各叁兩

右五味麤搗篩每服五錢匕水一盞半煎至七分去滓溫服



大德重校聖濟總錄卷第三十九



南京中醫藥大學圖書館藏

大德重校聖濟總錄卷第四十

霍亂門

霍亂嘔噦

論曰霍亂嘔噦者陰陽冷熱不調清濁相干胃氣不和風冷加之故嘔嘔不止則噦昔人謂嘔噦發下焦之間是也此甚於嘔吐治宜降氣於下令上下通達升降無礙則病可愈

治霍亂嘔噦手足冷脉絕四順湯方

人參

乾薑炮

甘草炙各參兩

附子炮裂去皮臍貳兩

右四味以咀每服三錢匕水一盞煎至七分去滓溫服

治霍亂嘔噦手足冷當歸湯方

當歸

切焙去麤皮

吳茱萸湯洗焙乾炒各參兩

細辛去苗葉

木通

剉 甘草炙

乾薑炮各貳兩

右七味麤搗篩每服五錢匕水一盞酒半盞大棗二枚去核煎至一盞去滓

溫服

治霍亂嘔噦不止橘皮湯方



陳橘皮 湯浸去白 焙貳兩

甘草 炙壹兩

枇杷葉 拭去毛 炙貳兩

右三味麤搗篩每服三錢匕水一盞生薑三片煎至七分去滓溫服如人行

五七里再服

治霍亂氣厥嘔噦不得息半夏湯方

半夏 湯洗米編 焙貳兩

甘草 炙

人參

前胡 去蘆 頭

桂 去麤皮 各壹兩

右五味麤搗篩每服五錢匕水一盞半生薑一分切豉五十粒煎至七分去

滓溫服

治霍亂心煩乾嘔蘆根湯方

蘆根 冬 兩 人參 壹兩 半

薤白 洗切 柒莖

枇杷葉 拭去毛 壹兩

右四味剉如麻豆每服五錢匕水一盞半煎至一盞去滓空心溫服

治霍亂卒噦枳實湯方

枳實 去羸 炒貳兩

右一味麤搗篩每服三錢匕羊乳一盞羊脂一彈子大煎至七分去滓熱服

不拘時

治霍亂卒噦糯米粉方



糯米粉壹升

右一味每服三錢匕以井華水調下不拘時

治霍亂嘔噦生薑飲方

生薑貳兩切

右一味以水三盞煎取一盞半去滓分溫三服不拘時

霍亂下利

論曰霍亂者由冷熱之氣變亂於腸胃之間搏於陰經則腹痛而腸鳴故為霍亂下利之病然赤為熱白為寒冷熱相搏赤白交下寒甚則青黑不已則轉筋之證生焉

治霍亂腹中冷氣下利木瓜丸方

木瓜乾者壹兩

當歸切焙

熟艾微炒

桂去麤皮各半兩

陳橘皮湯浸去白

木香

人參各半兩

赤石脂貳兩

白朮

厚朴去麤皮薑炙到

訶梨勒皮

高良薑各叁分

右一十二味搗羅為末鍊蜜為丸如梧桐子大每腹三十九丸米飲下空心服

治霍亂下焦熱毒利血如鷲鳴肝片不止升麻湯方



升麻分冬

犀角屑

地榆去苗各壹兩

紫草去苗冬分

藜蘆根壹兩到碎

黃芩去黑心冬分

芭蕉根到碎焙壹兩

桔梗炒分參

梔子人壹兩

右九味麤搗篩每服三錢匕以水一盞煎至七分去滓溫服日三夜一

治霍亂下焦虛寒大便洞泄小便自利黃蘗皮湯方

黃蘗去麤皮壹兩半

黃連去須貳兩半

人參壹兩半

赤茯苓去黑皮貳兩

厚朴去麤皮壹兩

艾葉炒壹兩

地榆去苗到壹兩半

檉木白皮到碎焙壹兩

阿膠炙令燥壹兩半

右九味麤搗篩每服三錢匕水一盞煎至七分去滓空腹溫服日三

治霍亂後虛冷腹痛下利不止龍骨湯方

龍骨

當歸焙切

乾薑炮裂

甘草炙微

人參各壹兩

附子炮裂去皮臍半兩

右六味判如麻豆每服五錢匕水一盞半煎至八分去滓熱服日三

治霍亂下利不止而渴者白朮湯方

白朮

厚朴去麤皮塗生薑汁炙冬偏

當歸焙切

人參

乾薑炮裂

甘草炙各貳兩

右六味麤搗篩每服五錢匕水一盞半煎至七分去滓溫服如人行五六里



再服

治霍亂後水利不止白茯苓丸方

白茯苓

去黑皮

黃蘗

去麤皮

乾薑

炮裂各

木瓜

乾者去瓢
壹枚切焙

右四味搗羅為末以粳米或粟米飲和為丸如梧桐子大暴乾米飲下三十丸日再老小加減亦治諸利

治冷利洞泄及赤白滯利石榴湯方

酸石榴

壹枚
大者

黃連

去須
壹兩

乾薑

炮貳
兩

右三味咬咀每服五錢匕以水一盞半煎至一盞去滓入阿膠二片令烊頓服之不拘時

治霍亂赤白冷熱等利及暴瀉病勢初發吐瀉不止食入不得並宜服藜蘆丸方

藜蘆

炙去
苗

皂莢

酥炙去
皮子

巴豆

各壹兩
皮膜炒出油

右三味先搗前二味細羅為末與巴豆同研令勻鍊蜜為丸如小豆大每旦米飲下一丸取利為度未利稍加之

治霍亂下利陳橘皮湯方

聖濟總錄

卷四下

霍亂門

三



康頌大學圖書館藏

陳橘皮 湯浸去白炒乾

高良薑 到各厚朴去麤皮薑汁塗

右三味麤搗篩每服三錢匕生薑半分拍碎水一盞煎至七分去滓溫服日

四五服

治霍亂水瀉腸胃冷滑訶梨勒丸方

訶梨勒 貳兩以麩裹煨取皮并麩為末

乾薑 地

龍骨

赤石脂 各兩

右四味搗羅為末以麩糊為丸如梧桐子大每服空心以米飲下二十九

治霍亂下焦虛寒或先血後便此為速血成利伏龍肝湯方

伏龍肝 淨陳節貳兩

甘草 炙壹兩

乾薑 地

生乾地黄 焙各貳兩半

黃芩 去黑心壹兩半 牛膝 酒浸切焙乾壹兩

亂髮 燒灰壹分

右七味麤搗篩每服三錢匕生薑壹分拍碎水一盞煎至七分去滓溫服日

三

治霍亂下焦虛寒或便利後見血止血湯方

續斷

當歸 切焙各壹兩

乾薑 地裂肆兩

甘草 炙貳兩

生乾地黄 焙肆兩

蒲黃 貳兩

桂 去麤皮壹兩

阿膠 炙令燥貳兩

右八味麤搗篩每服三錢匕水一盞煎至七分去滓溫服日三



治霍亂下焦熱毒利如魚腦雜赤血併下臍腹疔痛不可忍裏急後重香豉湯方

香豉

微炒 貳兩

梔子人

壹兩

黃蘗

去麤皮 半兩

地榆

到壹兩

白朮

西根

揀淨剉碎 各叁分

右六味麤搗篩每服三錢匕用薤白四寸水一盞同煎至七分去滓溫服日

三

治霍亂下焦熱結或利下膿血煩痛赤石脂湯方

赤石脂

肆兩

烏梅

去核炒 壹兩

梔子人

半兩

白朮

壹兩

乾薑

炮裂 壹兩

升麻

壹兩

陳廩米

微炒 半兩

右七味麤搗篩每服五錢匕水一盞半煎至八分去滓空腹溫服日三

霍亂轉筋

論曰霍亂轉筋緣風冷傷於三焦傳於脾胃脾胃得冷則陽氣不得宣行致四肢筋絡不得舒緩此蓋中下不足其候冒悶不安脛筋攣結膈肉緊痛反急於上蓋足陽明之經虛膀胱之脉寒也然足陽明之脉其支者起胃下口循腹裏下至氣衝中而合以下髀關抵伏兔下入膝膕中下循髀外廉足太陽之經其



脉循解外後廉下合膈中下貫膈內是動則病解不可回轉膈如結膈如裂治宜調胃府而溫膀胱之經如此則小水得宣寒冷自下胃府溫和霍亂可愈轉筋之疾無由作也

治霍亂轉筋胡椒湯方

胡椒

吳茱萸

湯洗淨炒

肉豆蔻

去殼各半兩

人參

桂皮去麤

乾薑

炮各壹兩半

右六味麤搗篩每服五錢匕以水一盞半煎至八分去滓溫服

治霍亂轉筋蜀椒湯方

蜀椒

去目并閉口者炒出汗壹分

烏梅

核熟去

右二味咬咀以水二盞煎取一盞再入蜜一匙頭煎兩沸空腹頓服之老人亦可服

治霍亂轉筋肉豆蔻湯方

肉豆蔻

去殼半兩

人參

桂皮

去麤

吳茱萸

湯洗淨炒各壹兩半

右四味麤搗篩每服三錢匕入生薑三片水一盞煎至六分去滓溫服

治霍亂轉筋杜仲湯方



杜仲 去皮剉炒 壹兩壹分

桂 去麤皮 壹兩

甘草 炙剉 壹分

右三味麤搗篩每服三錢匕生薑三片水一盞煎至六分去滓溫服

治霍亂轉筋悶絕欲死雞白湯方

雞糞白 壹合 熬 胡椒 貳拾粒

高良薑

桂 去麤皮

白朮 各壹兩 壹分

木瓜 貳兩 生薑 切焙 陸分

右七味剉如麻豆每服五錢匕水一盞半煎取八分去滓不拘時溫服

治霍亂轉筋吐瀉不止木瓜湯方

木瓜 切壹兩 青銅錢 肆拾枚 文烏梅 伍枚 拍碎炒

右三味以水二盞煎至一盞去滓分三服細呷

治霍亂轉筋脉微而細此風寒客於胃吐瀉不止厚朴湯方

厚朴 去麤皮塗生薑汁炙伍度 乾木瓜 各壹兩 高良薑 香薷

陳橘皮 湯浸去白焙 紫蘇子 各半兩

右六味麤搗篩每服五錢匕生薑三片鹽少許水一盞半煎至八分去滓溫服

服

治霍亂吐瀉轉筋煩悶藳香子散方

生齊愈錄

卷四十一

霍亂門

五



藜香子 炒

木香

陳橘皮

湯去白焙

人參 各半兩

菖蒲

切米泔浸壹日炒壹兩

甘草 炙判壹分

右六味搗羅為散以冷米飲調下三錢匕如人行三里再服

治霍亂轉筋不止桃人煎方

桃人

壹千枚湯退皮去雙人研如麩

右一味以牛乳五升解如漿水於銅器內盛在重湯內煎瓷器中盛每服壹

心溫酒調下兩匙

治霍亂轉筋入腹欲死生薑酒方

生薑

伍兩切

右一味用無灰酒一升煎取八合頓服便差

治霍亂轉筋入腹或腹中如欲轉雞白湯方

雞糞白

炒壹兩

右一味搗為麤末每服二錢匕以水七合煎三沸去滓頓服勿令病人知

治霍亂轉筋淋足附子湯方

附子

壹枚去皮判

葱 半斤拍碎

生椒

裹

生薑

壹分切碎各



右四味以水一斗煎三兩沸入瓷盆中濾去滓以鹽漿水解之冷熱得所淋洗立差

治霍亂轉筋入腹鹽搗方

鹽合參

右一味以水五升煎取三升浸青布搗轉筋上

治霍亂轉筋苦酒絮裹足方

苦酒壹升半

右取衣絮內苦酒中煮令溫從轉筋處裹之

治轉筋入腹裹足法

木瓜貳枚切破

右以水五升煎取三升以故青布浸湯中用裹轉筋上如無木瓜煎枝二兩

亦得

治霍亂轉筋方

木瓜汁壹盞

木香末壹錢

右二味以熱酒調下不拘時



治霍亂轉筋諸藥不除方

胡椒末

壹分

木瓜汁

壹升

硃砂

研極細壹錢匕

右三味將木瓜汁浸椒砂二末攪勻微火熬令稠和丸如梧桐子大每服十丸藿香湯下

治胃氣虛霍亂吐瀉轉筋腹痛神聖香薷飲方

香薷穗

經霜者壹兩半

厚朴

去麩皮

黃連

去須各貳兩

藟豆

壹兩焙

右四味先用生薑汁四兩一處擣黃連厚朴二味令細炒成黑色入香薷藟豆二味都麩擣節每服五錢匕水一盞酒一盞共煎至一盞瓷瓶內蠟紙封沉入井底候極冷併服二服至死者亦可救

治霍亂轉筋方

糯米

貳兩為末

乾薑

炮裂為末

甘草

生用為末

人參

為末各貳錢

右四味拌勻冷水調下三錢匕不拘時

霍亂心煩痞逆

論曰霍亂氣結心下不散則心氣不得下通故字書以痞為否言其不通也然痞為虛按之不痛氣雖妨悶不須駛利唯和調其胃升降其氣則痞氣自散霍



亂自寧矣

治霍亂心下痞滿半夏湯方

半夏

湯洗柒遍去滑切焙參兩

人參貳兩

赤茯苓

去黑皮肆兩

右三味以咀如麻豆大每服三錢匕水一盞入生薑一棗大拍碎煎至六分

去滓溫服

治霍亂心下結氣連胸背痛及吐酸水日夜不止茯苓湯方

赤茯苓

去黑皮生薑汁炙

吳茱萸

湯浸焙炒各壹兩

人參

陳橘皮

湯浸去白焙各二兩

白朮

參兩

右六味麤搗篩每服五錢匕水一盞半入生薑三片煎至八分去滓溫服不

拘時

治霍亂心下痞滿煩嘔不止厚朴湯方

厚朴

去麤皮生薑汁炙肆兩

桂皮

去麤皮

枳實

煑炒去麤各參兩

右三味麤搗篩每服三錢匕水一盞生薑三片煎至六分去滓溫服不拘時

腹痛加當歸二兩

治霍亂心下氣痞不通木瓜丸方

聖濟總錄

卷四下

霍亂門

七



木瓜 去皮瓢切

木香 兩

人參 壹兩

肉豆蔻 去皮半兩

陳橘皮 湯浸去白

胡椒

檳榔 剉各

吳茱萸 湯浸焙

草豆蔻 去皮

厚朴 去麤皮薑汁炙貳兩

桂 去麤皮壹兩

蒼朮 米泔浸壹宿剉

縮紗 去皮

高良薑 各叁兩

生薑 壹斤搗絞取汁

右一十五味除生薑汁外為細末取生薑汁拌勻用瓷瓶盛於鍋中以重湯煮一復時取出更搗令勻象手丸如梧桐子大每服十九丸熟水下

治霍亂心下痞逆半夏湯方

半夏 湯洗去滑切焙

人參 各叁兩

右二味剉如麻豆每服三錢匕入生薑三片白蜜半匙水一盞煎至六分去滓溫服不拘時

治霍亂嘔吐酸水結氣在心下吳茱萸湯方

吳茱萸 湯浸焙

白朮

赤茯苓 去黑皮

陳橘皮 湯浸去白

萹撥 壹兩

厚朴 去麤皮生薑汁炙貳兩

檳榔 剉貳兩

人參 壹兩

大黃 剉炒

右九味麤搗篩每服五錢匕水一盞半竹茹彈子大生薑三片煎至一盞去



滓温服

治霍亂心下痞滿飲食吐逆水穀不化半夏橘皮湯方

半夏

湯洗去滑切焙

陳橘皮

湯浸去白焙

厚朴

去麤皮薑汁炙各壹兩

人參

白朮

高良薑

各半兩

右六味麤搗篩每服五錢匕水一盞半生薑五片大棗二枚去核前至一盞去滓温服

治霍亂心下痞逆似中惡狀芎藭湯方

生芎藭

壹握剉

右一味以水同搗取汁一盞銀石器內煎熟分為三服不拘時

治霍亂嘔吐涎沫醫反下之心下作痞小半夏湯方

半夏

湯洗去滑切焙

右一味以水同搗取汁一盞生薑三片煎至六分去滓温服

霍亂後煩躁卧不安

論曰霍亂後煩躁卧寐不安者胃虛餘勢未盡穀氣鬱蒸津液內耗血虛氣亂故煩懊不得安卧也當安其胃氣則病可愈



治霍亂煩躁懊懷不得安卧木香湯方

木香

乾木瓜

紫蘇

不去莖 各壹兩 草豆蔻 去皮壹兩半

右四味麤搗篩每服三錢匕水一盞入黑豆半合許生薑一棗大拍碎煎至七分去滓温服日三

治霍亂煩躁眠卧不安麥門冬湯方

麥門冬

去心焙 叁兩

茅根

切焙 伍兩

甘草

炙

人參

各壹兩

右四味麤搗篩每服五錢匕水一盞半入竹筴彈子大生薑一棗大拍碎煎至一小盞去滓温服日三

治霍亂心煩懊不得安卧杜枳葉飲方

杜枳葉

拭去毛 一分

蘆根

洗焙 叁分

人參

壹分

右三味麤搗篩每服五錢匕水一盞半入薤白五寸煎至一盞去滓温服有頃再服

治霍亂煩躁不得息甘草湯方

甘草

炙

半夏

湯洗去滑

人參

陳橘皮

湯浸去白 焙 各貳兩

右四味麤搗篩每服五錢匕水一盞半入豉半合生薑五片煎至八分去滓



温服日二

治霍亂煩躁卧不安橘皮湯方

陳橘皮湯浸去白焙

人參各叁兩

右二味麤搗篩每服四錢匕水一盞半入生薑三片煎至八分去滓温服日

三

治霍亂後煩躁卧不安橘薑湯方

陳橘皮湯浸去白焙壹兩

生薑貳兩

右二味㕮咀每服五錢匕水一盞半入醋少許煎至一盞去滓温服

治霍亂後煩躁卧不安豆薑湯方

大豆淘壹合 生薑切半分

右二味以酸漿水三盞煎至一盞半去滓分温二服

治霍亂後煩躁卧不安葱白湯方

葱白切拾莖 大棗貳拾枚去核

右二味以水二盞煎至一盞頓服立差

治霍亂吐利後煩躁卧不安調胃乾薑散方



乾薑炮壹兩

右一味為細散每服二錢匕溫粥飲調下

治霍亂利後煩熱躁渴卧不安竹葉湯方

右濃煮竹葉汁飲五六合佳

治霍亂吐後心腹煩滿卧不安覺熱渴者梔子湯方

梔子人貳兩

右一味麤搗篩每服三錢匕水一盞入豉半合煎至七分去滓溫服有頃再服

治霍亂利後煩躁卧不安梁米粉飲方

梁米粉半升

右一味以水一升半和攪如白錫分三服飲之糯米亦得

治霍亂後煩躁卧不安薑茶散方

乾薑炮為末抄貳錢匕

好茶末壹錢七

右二味以水一盞先煎茶末令熟即調乾薑末服之

治霍亂後煩躁卧不安服木瓜子方



木瓜子 不拘多少

右一味每服七粒微嚼破以温水半盞吞之差

治霍亂後煩躁眠睡不安神應散方

丹砂 研

硫黃 研各壹錢

朴消 貳錢

蛤粉 叁錢半

人參

白茯苓 去黑皮各壹分

右六味搗羅為散每服一錢匕用脂麻水調下不計時候服

治霍亂後胃氣虛不能安卧香薷飲方

香薷 壹握

生薑 叁兩

木瓜 壹枚

右三味細切研攪取自然汁空心頓服

治霍亂煩躁不得安卧丁香白朮丸方

丁香 壹兩

白朮

沉香 捌

胡椒 各半兩

肉豆蔻 去殼

五味子 各叁分 芎藭

白僵蠶 各壹分

右八味搗羅為末研匀好酒煮木瓜一枚取肉丸如梧桐子大若患瀉煎

木瓜湯下二十九丸若氣疾温酒下



大德重校聖濟總錄卷第四十



大德重校聖濟總錄卷第四十一

肝藏門

肝藏統論

論曰肝與膽合故足厥陰之經與足少陽之經為表裏其象木其主春其脈弦其神覓其養筋其候目其聲呼其臭臊其液泣其味酸氣盛則為血有餘故目赤兩脇下痛引少腹善怒甚者氣逆頭眩耳聾頰腫皆肝實之證也氣虛則為血不足故目昏兩脇拘急筋攣不得太息爪甲枯面青善悲恐如人將捕之皆肝虛之證也實則寫虛則補脉爽為不可汗脉弱為不可下要當量其虛實審其平脉而施治法其大槩如此

肝虛

論曰肝虛之狀其病面青善潔善怒齊左有動氣按之牢若痛不欲飲食悒悒不樂恐惕如人將捕之其脉見於左手關上陰虛者乃其候也

治肝元風虛面多青黃腹脇脹滿悒悒不樂口苦頭痛飲食減少沉香煎丸方

沉香壹兩

附子炮裂去皮臍

白附子炮裂

巴戟天去心

硃砂飛研各半兩

補骨脂炒壹兩

肉苁蓉半兩

煎成膏次入下藥以上並先為末以酒

乾蠟去土炒壹分



木香

防風去

當歸

切焙各

桂去麤皮

藁香子炒

牛膝

去苗酒浸切

棟實

只取肉

青橘皮湯去白焙

各叁分

右一十六味別搗後九味為細末入前膏中拌和入臼擣令勻如未成劑用

蜜少許和丸如梧桐子大每服十五丸至二十九丸空心溫酒下

治肝元氣虛四肢勞倦飲食不消背痛頭旋或時寒熱肢節疼痛手足無力補

順三焦通肝氣華撥丸方

華撥

洗炒叁兩

乾薑

白者炮壹兩半

胡椒

炒

甘草

炙各半兩

人參

桂皮

去麤

木香

白茯苓

去黑皮各壹兩

右八味搗羅為細末鍊蜜和丸如梧桐子大每服空心食前鹽湯下三十九

治肝虛脇下堅腹滿不欲食眼昏氣濁瞻視不明檳榔湯方

檳榔

附子

炮裂去皮臍各壹兩

白茯苓

去黑皮

桔梗

炒

陳橘皮

湯去白焙

桂

去麤皮各半兩

吳茱萸

水浸去涎炒壹兩

白朮

叁分

右八味剉如麻豆每服五錢匕水一盞半入生薑一棗大拍碎煎至一盞去

滓食後溫服若氣喘加芎藭三分半夏一兩湯洗甘草半兩炙剉

治肝元虛損藏府不調洩瀉不止口内生瘡飲食進退燒肝散方



茵陳蒿

犀角屑

石斛去根

白朮

芫胡去苗

紫參

芍藥各叁分

人參

桔梗炒

防風去叉

桂去皮

吳茱萸洗焙

蕪荑炒各半兩

右一十三味搗羅為細末每用白羊肝一具分作二分將一分去筋膜細切如竹葉入藥末十錢七葱白一握細切與肝調和令勻以濕紙裹七八重煨熟空心服之

治肝元氣久虛四肢筋脉怠惰三焦氣不順上攻眼生黑花相子人丸方

相子人壹分

防風去叉

黑豆煮令爛研

白蒺藜炒各半兩

車前子壹兩

甘菊花兩半

附子炮裂去皮臍

黃耆蜜塗炙細切各半兩

右九味除黑豆外搗羅為細末鍊蜜同黑豆膏拌和為丸如梧桐子大每服

十五丸空心食前鹽湯下

治肝元氣冷多困少力口無滋味耳鳴眼暗面色青黃黃耆湯方

黃耆

防風去叉

石斛去根

當歸焙

白芷

藿香擇葉

沉香

白蒺藜炒去角

桑寄生

附子炮裂去皮臍


芎藭

白朮

五味子

桂去粗皮

羌活去蘆頭各半兩



木香 壹分

右一十六味剉如麻豆每服三錢匕水一盞棗一枚擘破煎一兩沸去滓空心食前溫服

治肝元氣虛鹿茸丸方

鹿茸

去毛酒浸焙

肉苁蓉

去皺皮酒浸焙

巴戟天

去心

白茯苓

去黑皮

附子

炮裂去皮臍

遠志

去心

桂

去粗皮

乾薑

炮

地骨皮

去土

黃耆

剉細

熟乾地黄

焙

牛膝

去苗酒浸壹宿焙

栝子人

炒微

覆盆子

防風

去叉

磁石

研細各等分醋淬陸布火

右一十六味除磁石外並搗羅為細末和勻鍊蜜為丸如梧桐子大每服二十丸空心食前鹽湯下

治肝元風虛上攻頭目昏眩肩背拘急兼治脾氣不和沉香煮散方

沉香

剉分

桂

去麤皮壹兩

白豆蔻人

石斛

去根各半兩

巴戟天

壹兩

附子

炮裂去皮臍半兩

赤茯苓

去黑皮壹兩半

木香

壹兩

人參

分參

芎藭

壹兩

五味子

分參

白朮

青橘皮

湯去白焙各壹兩

厚朴

去麤皮薑汁炙

黃耆

細剉各半兩

藿香

葉壹分

華澄茄

肉豆蔻

去皮各壹兩



右二十八味搗羅為細散每服三錢七水一盞入薑棗煎七分食前溫服日二

治肝元虛風上攻頭目昏悶腫疼背項緊急悒悒不樂羚羊角散方

羚羊角屑

芎藭各半兩

羌活去蘆頭

獨活去蘆頭各錢人參

防風去義

白蒺藜炒各半兩

右七味同搗為細散每服一錢七溫酒調下不計時候

治腎氣虧損不能生肝肝乏生氣遂多虛冷肝若受病先診其脉若肝腎脉俱

弱服此地黄丸方

熟乾地黄焙 山茱萸

萆薢

當歸洗

續斷

芎藭

黃耆細

五味子

狗脊去毛

細辛去苗葉

白茯苓去黑皮

牛膝去苗酒浸

木瓜各半兩

右一十三味搗羅細末鍊蜜和丸如梧桐子大空心鹽湯下五十九丸

治肝藏虛客邪攻之真氣微弱不能主血脉氣微細大便失血香朮丸方

蒼朮米泔浸去皮

芎藭

防風去義

五味子

黃耆細

當歸切焙

硫黃研壹兩

右七味先以六味搗羅為細末再入硫黃末研勻和丸如梧桐子大空心食



前鹽米飲下三十九

治肝虛生寒冷氣上攻眼目肢體疼痛攻注華澄茄丸方

華澄茄

補骨脂炒

附子炮裂去皮

羌活去蘆頭

芎藭

遠志心去

萆薢

肉蓯蓉去皺皮酒浸壹宿切焙

山芋

石斛根去

人參各壹兩

右一十一味搗羅為細末醋煮麩糊丸如梧桐子大每服二十九至三十九

空心溫酒下

治肝藏虛風攻擊肢節疼痛及上攻眼目多淚穀精散方

穀精草

石決明

木賊判

荊芥穗

甘草炙判

羌活去蘆頭

旋復花

甘菊花

枸杞子

晚桑葉各壹分並生用

蛇蛻半條炒

蒼朮米泔浸去皮焙壹分

右一十二味焙乾搗羅為細散每服二錢匕茶清調下日三不拘時

治肝藏虛風上攻通利九竅羚羊角散方

羚羊角銹屑半兩

空青研壹錢

羌活去蘆頭半兩

人參壹分

防風去叉

白蒺藜

炒各半兩決明子壹分



右七味並搗羅為細末每服一錢匕温酒調下白湯點亦得不拘時候

治肝藏虛風上攻頭旋項筋急眼有黑花耳內虛鳴乾蠍丸方

乾蠍 醋炒 半兩

巴戟天 去心糯米炒候米赤黃去米不用

附子 炮裂去皮臍 羌活 去蘆頭

白蒺藜 炒各 壹兩

右五味搗羅為細末鍊蜜和丸如梧桐子大每服十五丸至二十丸空心鹽湯下食後臨卧未飲下

治肝藏虛冷壯筋骨明耳目進飲食四聖散方

白附子 炮

白蒺藜 酒炒

羌活 去蘆頭

黃耆 剉各等分

右四味搗羅為細末每服二錢匕用羊腰子一對去筋膜切開入藥用線纏用水一盞入粟米一匙頭同煮候粟米熟食之此藥亦治腎藏風攻注

治肝元虛損上攻口內生瘡飲食不進犀角散方

犀角 銹屑

決明子

人參 各壹分

梔子

龍膽

白朮 各半兩

右六味搗羅為細散每服一錢半匕温熟水調下食後良久服

治肝虛目睛眩疼多淚羞明筋脉疼痛補肝散方

夏枯草

莎草根 各壹兩 同炒過



右二味搗羅為細散每服一錢七臘茶調下不拘時候

治肝虛筋急或霍亂轉筋手足麻痺人參飲方

人參

厚朴

去麤皮薑汁
炙各壹兩

白朮

貳兩

右三味麤搗篩每服五錢七水一盞葱白五寸切碎同煎八分去滓不拘時

温服

肝實

論曰肝實之狀苦心下堅滿常兩脇痛或引小復念念如怒頭目眩痛皆赤生瘕肉是也其脉見於左手關上陰實者乃足厥陰經有餘之候蓋肝實則生熱熱則陽氣盛故其證如此

治肝藏壅實風熱客搏經絡動于心肺上膈痰痹喉嗑乾燥不利四肢淫灑或

秘或壅犀角地黃湯方

犀角

鎊屑壹兩壹分

熟乾地黃

洗切焙
叁兩

羌活

去蘆頭

獨活

去蘆頭

赤箭

石菖蒲

芎藭

藁本

洗焙

沒藥

研

威靈仙

洗焙

黃耆

剉

烏藥

剉

甘草

剉洗

木香

當歸

切焙

蟬蛻

洗焙

防風

去叉各壹兩

大黃

剉炒

郁李人

去皮研各壹兩半



右一十九味麤搗篩每服三錢七水一盞薄荷五葉煎至七分去滓溫服日
三如膈有熟入生地黃汁少許如大腸秘澀加芒消一錢七

治肝實風壅眼目昏澀上焦不利羌活丸方

羌活去蘆頭
叁分木香

蒺藜子炒去
角黃耆

青柏子

甘菊花

麥門冬去
心

枳殼去瓤
炒

青橘皮湯浸去
白焙

大黃判炒各
半兩

右一十味為細末鍊蜜丸如梧桐子大每服二十丸空心日午臨卧前竹葉

湯下

治肝藏壅頭目不利胸膈煩躁體痛羚羊角散方

羚羊角鑄

芫胡各壹兩
去苗

石膏貳
兩

赤芍藥

車前子

川大黃判微
炒

甘草貳
赤判

黃芩各壹兩
去腐

右八味搗篩為散每服三錢以水一中盞煎至六分去滓食後溫服

治肝藏壅熱心膈煩悶頭目不利大黃丸方

川大黃判碎
微炒

枳殼各壹兩
微黃去瓤

甘草半兩
微赤判

麥門冬去
心

羚羊角鑄

川升麻

生乾地黄

犀角各叁
分鑄



身... 金... 卷...
右八味搗羅為末鍊蜜和搗百餘杵丸如梧桐子大每服二十九丸食前竹葉湯下忌酒熱麪等物

治肝氣壅塞腎膜遮睛癭溢難視甘菊花散方

甘菊花 壹兩

白蒺藜

木賊

防風 去

甘草 各半兩

木香 壹分

右六味為細散每服一錢匕沸湯點服不拘時

治肝藏壅熱上攻頭目不利四肢拘倦託胡湯方

託胡 去苗壹兩半

石膏 碎貳兩

黃芩 去心黑

赤芍藥

甘草 各壹兩

右五味麤搗篩每服三錢匕水一盞同煎至六分去滓食後溫服

治肝藏壅熱三焦不利胸膈滿悶睡卧不安郁李人散方

郁李人 湯浸去皮六

大黃 剉炒各壹兩

梔子人

朴消 研

乾荷葉 甘草 剉

荆芥穗 各半兩

右七味為細散每服二錢匕溫熱水調下食後服

治肝氣實壅上攻頭目筋脉拘急疼痛大小便赤熱秦光散方

秦光 去土

當歸 切焙

羌活 去蘆頭

獨活 去蘆頭

荆芥穗



連翹 虎杖 芎藭 牡丹皮 麻黃去根節 各壹兩

右一十味為細散每服二錢七煎薄荷湯下食後服

治肝實兩脇脹滿氣急眼昏洗肝湯方

芫胡去苗 鼈甲醋炙去裙 各貳兩 赤茯苓去黑皮 壹兩半

桔梗 檳榔剉 桂皮去麤 甘草剉 五味子

陳橘皮湯浸去白焙 人參各壹兩 白朮壹兩 半夏湯浸七沸 去滑三分

右一十二味麤搗篩每服二錢七水一盞入生薑五片煎至六分食前去滓

溫服

治肝實熱兩眼赤澀疼痛頭重心煩上焦壅滯驅風湯方

蔓荊實 羌活去蘆 頭 防風去叉 升麻 決明子

黃芩去心 黑 赤芍藥 甘草炙 車前子 羚羊角

甘菊花 麥門冬去心 各半兩 芫胡去苗 枳殼去麤 炒

梔子人各壹兩

右一十五味麤搗篩每服三錢七水一盞煎至七分去滓食後溫服

治肝藏實熱風氣上攻煩渴茯神湯方



茯神去木

黃耆剉

麥門冬去心

栝樓根各壹兩

生乾地黄洗切焙

叁兩

酸棗人炒

羌活去蘆頭

葛根剉

羚羊角銹屑各半兩

右九味麤搗篩每服五錢匕水一盞半煎至一盞去滓食後溫服

治肝藏實熱上攻頭目昏眩兼治風化痰鎮心安神白茯苓丸方

白茯苓去皮人參

麥門冬去心

酸棗人炒各壹兩

甘草炙剉

丹砂別研各叁分

龍腦別研壹分

右七味除別研外為細末和勻鍊蜜丸如雞頭大每服一九乳香嚼下食後

臨臥服

治肝氣壅盛脇下結塊腹內引痛大小便赤澁飲食減少連翹散方

連翹

荊芥穗

鼈甲醋炙去裙爛

梔子人

射干

羌活去蘆頭

獨活去蘆頭

當歸切焙

大黃生

惡實各半兩

牽牛子炒壹分

右一十一味為細散每服二錢匕溫熟水調下食後臨臥服

治肝氣壅實熱刑於脾食已即吐大便黃赤忽覺背寒脣皮焦赤羌活散方

羌活去頭

雞蘇去梗

獨活去頭

防風去叉

蒺藜炒去角



荆芥穗

牡丹皮

木香

連翹

茵陳蒿去梗

麻黃去節

羚羊角銹屑各壹兩

右一十二味為細散每服二錢七溫熟水調下加至三錢七早晚食後服

治肝藏積熱氣昏血澀或因食酸物過多肝中血積不散氣血俱病兩脇下非時氣動每動左脇下有聲右脇相應日漸胃脘結塊使人心腹滿悶上衝咽喉頭目不利睡卧不安加蟲所齧瀉肝湯方

荆介穗

連翹

羌活去頭

牡丹皮

黃芩去心

杏仁去皮

共雙炒研

當歸切

芍藥

梔子人

雞蘇去梗

虎杖

麻黃去節

大黃剉炒各半兩

右一十三味麤搗篩每服三錢七水一盞生薑二片煎至七分去滓溫服服

此藥數日後如病勢不減却進後方射干散取肝中積血從大便下如腐爛

瘀血之類若服前藥已差更不用服

後方射干散方

射干

桂皮去麤

牛膝酒浸切焙

牡丹皮

鼈甲醋炙去裙

牽牛子炒

大黃剉炒各半兩

荆芥穗

細辛去苗葉各壹分

半夏為末用生薑汁和成餅

聖濟總錄

卷四十一

肝藏門

七



狼毒

芫花

與狼毒同用
煎炒焦色各壹錢

右一十二味為細散每服一錢七食後煎葱湯調下一二服內如毒已下即不用服

治肝藏實熱壅盛利胸膈四順散方

石決明

煨

甘菊花

各壹兩

附子

炮裂去
皮臍

防風

去

蒺藜子

炒去
角

羌活

去蘆
頭

黃芩

去黑
心

梔子人

黃連

去須
各壹分

右九味為細散每服二錢七用米泔水調下早晚各一服服藥後仰卧少時

肝脹

論曰肝脹之狀千金謂脇下滿而痛引少腹蓋足厥陰之經起於大指抵少腹俠胃上貫膈布脇肋脉經曰肝病者必兩脇下痛引少腹是也夫肝受邪則令氣血不通故令脇下脹滿引少腹而痛也

治肝受邪氣兩脇下痛牽連少腹胸脇脹滿桂苓湯方

桂皮

去麤

赤茯苓

去黑
皮

柏子人

細辛

去苗
葉

防風

去叉
各壹分

鼈甲

醋炙去
襖貳兩

赤茯苓

去黑
皮

桔梗

枳殼

去瓢
炒

白朮

各半
兩

犀角屑

分

獨活

去蘆
頭半兩

甘草

炙
分



右一十二味麤搗篩每服三錢七水一盞入棗三枚擘破同煎至七分去滓
溫服不計時

治肝氣受寒脇下脹滿痛引少腹附子茯苓湯方

附子炮裂去皮臍一枚

赤茯苓去黑皮

檳榔貳拾肆枚

母薑伍兩

陳橘皮湯浸去白焙

桂去麤皮各叁兩

桔梗炒

白朮各肆兩

吳茱萸湯浸焙乾壹兩

右九味剉如麻豆每服三錢七水一盞煎至七分去滓溫服空心食前日三

服

治肝受風邪面多青黃兩脇脹滿引少腹痛渾身疼痛口淡無味飲食減少沉

香煎丸方

沉香剉壹兩

附子炮裂去皮臍

白附子炮

巴戟天去心

礞砂研各半兩

補骨脂炒壹兩

肉苁蓉以酒貳升熬成膏次入下項藥

乾蠟壹分

木香半兩

青橘皮湯浸去白焙叁分

防風去叉

當歸切焙各半兩

桂去麤皮壹分

陳香子炒叁分

牛膝酒浸切焙半兩

棟實只取肉壹分

微炒渴

右一十六味除前膏外搗羅為末入前膏拌和仍再入臼內擣令勻如未相



著更入蜜少許和丸如梧桐子大每服二十九丸空心温酒下

治邪氣客於肝經攻脹兩脇時引少腹痛四肢厥逆三輔散方

赤茯苓去黑皮

赤芍藥去

菖蒲去

蜀漆

桂去麤皮

丹砂研別

紫石英研別

芫胡去

山茱萸各壹兩

右九味除別研外搗羅為散再一處拌勻每服一錢七漸加至二錢早晚食

前用温酒調下

治肝藏邪氣兩脇脹滿筋脉拘急痛連少腹茱萸湯方

山茱萸

當歸切

五味子

山芋

黃耆剉

芍藥各半兩

生乾地黄焙

白朮各壹分

獨活去

酸棗人微炒各貳錢

木瓜去皮子

右一十一味麤搗篩每服五錢七以水一盞半棗二枚同煎至八分去滓温

服空心食前日二服

治肝藏風寒面色青黃兩脇脹痛牽連少腹筋脉不利背膊拘急覆盆子丸方

覆盆子

五味子

附子地

酸棗人

白朮各壹兩

熟乾地黄焙半兩



右六味搗羅為末鍊蜜和丸如梧桐子大每服三十九丸空心食前溫酒下米飲亦得

肝著

論曰肝著之狀千金謂病人常欲蹈其胸上先未苦時但欲飲熱者是也夫食氣入胃散精於肝淫氣於筋今風寒客於肝經不能散精氣血凝留故著於胸上其未苦時但欲飲熱者蓋血得溫則行遇寒則澀也

治肝氣虛寒邪著胸中實塞不快氣血留滯胸上欲人蹈之者桂附湯方

桂去麤皮

附子炮裂去皮臍各半兩

當歸切炒

檳榔各半兩

赤茯苓去黑皮

防風去叉

栝子人研

細辛去苗葉

白朮

芎藭

枳殼去瓢麩炒各三分

右一十一味除栝子人判如麻豆篩拌勻每服三錢七水一盞入生薑三片

大棗二枚同煎至七分去滓溫服空心食前

治肝經不足風寒乘之氣留胸中築塞不通脇滿筋急不得太息細辛桃人湯

方

細辛去苗葉

桃人湯浸去皮六雙各貳兩

山茱萸壹兩

栝子人貳兩

肝藏門



桂皮去麤

甘草炙各壹兩

防風去叉

白茯苓去黑皮各貳兩

右八味麤搗篩每服三錢七水一盞半入大棗三枚擘破同煎至一盞去滓

溫服空心食前日三

治肝氣為寒邪所著胸中痞塞氣血凝留其人常欲蹈其胸上陳橘皮湯方

陳橘皮

湯浸去白炒半兩

青木香壹分

桔梗炒叁分

芍藥剉炒

當歸

切焙各半兩

右五味麤搗篩每服三錢七水一盞入生薑三片同煎至七分去滓溫服不

計時候

治風寒客肝經著於胸上膈腕痞悶枳實湯方

枳實

陳者去麤熨炒肆枚

桂壹兩去麤皮

厚朴

去麤皮薑生薑汁炙令煙出四兩

枳椇

去皮壹枚

右四味麤搗篩每服五錢七水二盞入薤白一握同煎至一盞去滓溫服空

心日午臨卧各一服

治風寒客於肝經膈腕痞塞脇下拘痛常欲蹈其胸上名肝著蹈胸湯方

枳實

去麤熨炒

陳橘皮

湯浸去白焙

桔梗

炒各半兩

甘草

炙壹分



右四味麤搗篩每服五錢七水二盞入生薑半分薤白少許同煎至一盞去滓溫服不計時候

肝風筋脉抽掣疼痛

論曰肝藏血與筋合肝氣和則氣血強盛以行于筋膜故骨正筋柔氣血皆從若肝藏氣虛不能榮養則為風邪所侵搏於筋脉榮衛凝泣關節不通令人筋脉抽掣疼痛以至眩悶口眼偏斜皆其證也

治肝氣虛弱風邪外侵搏於筋脉流入經絡筋脉抽掣疼痛獨活湯方

獨活去蘆頭

萆薢

細辛去苗葉

人參

牛膝去苗切酒浸焙

酸棗人微炒

附子炮裂去皮臍

羚羊角銹

赤芍藥

黃芩去心黑

茵芋去蘆莖

麻黃去根節煎掠去沫焙

防己

桂去蘆皮

甘草微炙剉各壹兩

右一十五味剉如麻豆每服三錢七水一盞生薑三片棗三枚擘破煎至五分去滓八竹瀝一合煎兩沸溫服不拘時候


治肝受風邪筋脉抽掣疼痛昇秀丸方

烏喙炮裂去皮臍伍兩

檳榔叁兩

防葵

槐膠酒化為膏



牛膝

酒浸焙 各貳兩

草薺

微炒

澤漆

木瓜 去皮切焙

續隨子

去皮別研如 膏各壹分

右九味除槐膠續隨子外搗羅為末再拌勻鍊蜜和丸如梧桐子大空心食前溫酒下三十丸以知為度

治肝藏風毒流注四肢拘急筋脉抽掣百節麻木身體疼痛頭目昏眩天麻湯

方

天麻

獨活

去蘆

酸棗人

炒

薏苡人

防風

去叉各 壹兩

赤茯苓

去黑皮

芎藭

羚羊角

鎊

甘草

微炒

桂皮

去麤皮

麻黃

去節煎掠去 沫焙各半兩

右一十一味麤搗篩每服三錢七水一盞入薄荷少許同煎至六分去滓食

後溫服

治肝氣攻注徧身筋脉抽掣疼痛四肢無力枸杞湯方

枸杞子

海洞皮

剉

白芷

苦參

防風

去叉

甘草

炙

麻黃

去根節煎 掠去沫焙

牛膝

切酒浸壹宿 焙各壹兩

桂皮

去麤皮

酸棗人

各半兩

右一十味麤搗篩每服三錢七水一盞入生薑二片同煎至七分去滓溫服



不拘時候

治肝風筋脉抽掣疼痛不得屈伸恍惚多忘或時恐怖茯神丸方

茯神去木壹兩

遠志去心

人參

白僵蠶微炒各叁分

白附子微炮

乳香別研壹兩

當歸剉炒半兩

右七味搗研為末鍊蜜丸如梧桐子大每服二十丸温酒下不計時候漸加

丸數

治肝藏風冷毒氣攻注筋脉抽掣疼痛及一切筋寒之疾補骨脂湯方

補骨脂炒

莽草

桂去麤皮

附子炮裂去皮

乾薑炮壹兩

乾姜去土微炒壹分

右六味剉如麻豆每服二錢七以水半盞入酒半盞葱白二寸鹽少許同煎

至六分去滓食前熱服卒轉筋者熱酒煎服

治肝風筋脉抽掣疼痛肢節不利牛膝酒方

牛膝去苗剉

薏苡人各半斤

酸棗人微炒

赤芍藥

附子炮裂去皮

乾薑炮

柏子人

石斛去根各叁兩

甘草微炙貳兩

右九味細剉和勻用生絹袋盛以好酒二豉浸七日不拘時候温飲一盞逐旋



添酒漬藥至味薄即止

煎厥

論曰內經謂陽氣者煩勞則張精絕辟積於夏使人煎厥目盲不可以視耳閉不可以聽潰潰乎若壞都汨汨乎不可止夫陽氣者衛外而為固也起居有常喜怒調節則志氣治而陽不擾若動作煩勞氣乃張大陽氣張大則真氣耗而精絕積至於夏陽氣益盛則衛外者躁而不靜此其證所以煎迫而厥逆視聽昏塞潰潰汨汨莫知所以然也內經又曰少氣善怒者陽氣不治則陽氣不得出肝氣當治而未得故善怒名曰煎厥亦以謂陽氣壹鬱於內不得其平故氣煎迫而厥逆也

治煎厥氣逆頭目昏憤視聽不明少氣善怒人參湯方

人參

遠志

心去

赤茯苓

去黑皮

防風

去叉

芍藥

麥門冬

心去

陳橘皮

湯浸去

白焙

白朮

各壹

兩

右八味剉如麻豆每服五錢七水一盞半煎去八分去滓温服日再

治動作煩勞陽氣張大肝精不守善怒少氣頭目昏憤病名煎厥山芋湯方

山芋

生乾地黄

焙

防風

去叉

茯神

去木

山茱萸

炒

桂去麤皮

天雄炮裂去皮臍

遠志去心

細辛去苗葉

枳實炒去瓢

甘菊花

各壹兩

甘草

炙對

右一十二味細剉如麻豆每服三錢七水一盞入生薑三片煎至七分去滓

溫服空心食前

治煎厥少氣善怒精神不守茯神湯方

茯神

去木

羚羊角

屑

五味子

萎蕤

遠志去心

沙參

酸棗人

微炒各

龍骨

半兩

右八味麤搗篩每服三錢七水一盞煎取七分去滓溫服不拘時候

治陽氣內鬱肝氣不治少氣善怒視聽昏塞煎迫厥逆龍骨丸方

龍骨

白茯苓

去黑皮

遠志

去心

防風

去

柏子人

別搗

犀角

鎊

生乾地黄

焙各壹兩

牡蠣

壹兩半燒研如粉

右九味除柏子人外搗羅為末同拌勻入煮棗肉二兩鍊蜜和杵數百下丸

如梧桐子大每服三十丸粥飲下空心食前

治煎厥氣逆多怒肝氣不治柏子人湯方

柏子人

虎頭骨

塗酥炙各壹兩

人參

茯神

去木



犀角屑

桃人湯浸去皮去核

遠志去心

小草各一分

右八味麤搗篩每服三錢七水一盞煎取七分去滓溫服不拘時候

肝氣逆面青多怒

論曰肝在色為青在志為怒故其氣逆則面青多怒蓋本藏氣逆於內干之而出則多怒而面青也

治肝藏氣逆手足拘急面青多怒脇下苦滿或時眩冒竹瀝湯方

竹瀝

甘草炙

秦艽去苗

葛根剉

黃芩去黑心

麻黃去節

防己

細辛去苗

桂去麤皮

乾薑炮各兩

防風去

升麻各壹兩半

赤茯苓去黑皮

附子炮裂去皮臍

杏仁去皮尖

右一十五味除竹瀝外麤搗篩每服五錢七水一盞入竹瀝半盞煎至一中

盞去滓溫服不計時候

治肝氣壅逆肢體沉重面色多青時欲嘔怒甚者恍惚狂言心神不安防風湯

方

防風去

麻黃去節

半夏湯洗去滑

秦艽去苗



獨活

去蘆頭 各貳兩

當歸

切焙

遠志

去心

甘草

炙剉

防已

人參

黃芩

去心 黑

升麻

芍藥

各壹兩

石膏

碎半兩

右一十四味麤搗篩每服五錢七水一盞半入麝香末少許薑一棗大拍碎

煎至一盞去滓溫熱服不計時候

治肝藏實熱血氣壅滯目視昏暗常多嗔怒頭旋目運面色青口多涎小便黃

赤荊芥湯方

荊芥穗

牡丹皮

芍藥

蔓荊實

芫胡

去苗

羌活

去蘆頭

秦艽

去苗土

龍甲

醋炙去裙襴

天靈蓋

酥炙焦黑

沉香

剉

甘草

炙剉

當歸

切焙各壹分

連翹

半兩

右一十三味麤搗篩每服三錢七水一盞先煎水令沸後入藥末攪一次傾

出食後臨臥去滓溫服

治邪熱客於肝經氣逆煩躁面青多怒怒已脇痛桔梗湯方

桔梗

炒伍兩

白朮

參兩

赤茯苓

去黑皮

桂

去麤皮

細辛

去苗葉 各貳兩

當歸

切焙

吳茱萸

湯浸焙乾炒


乾地黄

焙

甘草

炙各壹兩

右九味麤搗篩每服三錢七水一盞煎至七分去滓溫服早晚食前



治肝氣逆面青多怒身體不能屈伸甚則頭目眩暈秦朮散方

秦朮去苗土

乾薑炮

桔梗炒

附子炮裂去皮臍各壹兩

當歸切焙

天門冬去心焙

人參

白朮

蜀椒去目并開口者炒出汗各壹兩

分壹

烏頭地裂去皮臍共

細辛去苗葉各叁分

甘草炙

白芷

山茱萸

麻黃節去根

前胡去蘆頭

防風炙

五味子各半兩

右一十八味搗羅為散每服一錢七温酒調下日三不拘時候

治肝約血聚使人多怒面青脇痛槐膠丸方

槐膠以酒化為膏貳兩

牛黃別研

麝香別研各半兩

羚羊角鎊壹兩

石龍子炙焦別研壹枚

蜈蚣微炙別研伍枚

丹砂研

乾蠍微炒別研各半兩

蜚蠊炒焦別研

芫青炒焦別研各柒枚

蜚蠊炒焦別研拾肆枚

蟻蟲炒焦別研柒枚 巴豆肆拾玖粒用水煮紫色去皮膜心研如膏存油

右一十三味各為末拌勻用糯米粥和槐膠巴豆成膏以和諸藥丸如菴豆大別以丹砂為衣每服三丸木香湯下甚者五丸不計時候如人行二十里再服以知為度

薄厥



論曰內經謂陽氣者大怒則形氣絕而血菀於上使人薄厥夫蒼天之氣清淨則志意治順之則陽氣固物或觸之怒而氣上則形氣不屬血與之俱故其證胸中菀結與氣薄而厥逆也

治暴怒氣逆胸中不便甚則嘔血赤茯苓湯方

赤茯苓去黑皮 人參各貳兩 桔梗去蘆頭炒 陳橘皮湯浸去白焙各壹兩

麥門冬去心焙 芍藥 檳榔各半兩

右七味麤搗篩每服五錢七水一盞半入生薑三片煎至八分去滓溫服不

拘時候

治恚怒氣逆上而不下則傷肝血菀胸中使人薄厥甚則嘔血煩悶者黃耆湯方

黃耆貳兩剉 茯苓去木 麥門冬去心焙 桂去麤皮 陳橘皮湯浸去白焙

當歸焙切 天門冬去心焙 五味子 生乾地黄焙 甘草炙剉各壹兩

右一十味麤搗篩每服五錢七水一盞半入生薑三片大棗二枚擘破同煎

至八分去滓溫服空心頓服

治恚怒傷肝胸中菀結或至嘔血者蓋氣血相薄而厥逆宜服大棗湯方



大棗

伍拾枚去核焙別搗

生乾地黄

半斤切焙

阿膠

炙令燥

甘草

炙別各參兩

右四味除大棗外麤搗篩再作一處擣勻每服五錢七水一盞半煎至八分去滓溫服日二夜一不計時

大德重校聖濟總錄卷第四十一



大德重校聖濟總錄卷第四十二

肝藏門

肝病筋急

論曰肝病筋急者肝與筋合也蓋足厥陰之經不足則脉弗營脉弗營則風邪易侵搏於筋脉故令筋急而攣縮也

治肝藏風毒氣注手臂頭項肩膊腰足筋脉拳急攻刺疼痛或四肢虛腫頭目旋運黑花昏暗嘔逆減食天麻湯方

天麻

酒炙

附子

炮裂去皮膽各壹兩半

乾蠍

去土炒

羌活

去蘆頭

芍藥

白附子

炮

牛膝

去苗酒浸切焙

麻黃

去根節

白花蛇

酒浸去皮骨炙焦

枸杞

白芷

人參

草薺

海桐皮

防風

去叉

桂

去麤皮

酸棗人

炒

白蒺藜

炒

當歸

切焙

甘草

炙各壹兩

乳香

研壹兩半

右二十一味除研者外剉如麻豆每服五錢七水一盞半生薑三片煎取八分去滓溫服其煎藥水每用桃柳桑枝嫩者各一兩淨洗細剉甘菊葉半兩如無葉以花代用水二升煎取一升去滓若冬月十日為一料夏月逐日修事服之



治肝藏風毒流注脚膝筋脉拘急疼痛行履不得石南丸方

石南

去根

烏蛇

酒浸去皮骨

各壹兩

牛膝

去苗酒

浸切焙

防風

去根

石斛

去根

桂

去根

萆薢

麻黃

去根

羌活

去頭

海桐皮

赤茯苓

去黑皮

茵芋

去粗莖

獨活

去頭

天麻

酒

當歸

焙切

附子

炮裂去皮

臍各半兩

黑豆一升

淨淘以醇酒五升煮去

豆滓熬成膏和諸藥

右一十七味除黑豆膏外搗羅為細末以豆膏和丸如梧桐子大每服二十

丸至三十九丸早晚食前温酒下

治肝虛血不足肢節拘急筋脉攣痛地黄丸方

生乾地黄

焙切

熟乾地黄

切焙各壹斤

杏仁

去皮共雙人

炒細研半斤

麩

防風

去根

石斛

去根

枳殼

去麩炒

牛膝

去苗酒浸切

各肆兩

右七味除杏人外搗羅為細末入杏人和勻鍊蜜和丸如梧桐子大每服三

十丸炒黑豆淋酒下日三不計時

治肝元虛風上攻頭目昏悶及背項緊急筋脉拘攣羚羊角散方

羚羊角

銹

芎藭

各半兩

羌活

去頭

獨活

去頭

各一分

人參

防風

去根

白蒺藜

炒各半兩



右七味搗羅為細散每服二錢七温酒調下不拘時

治肝虛勞損關節疼痛筋脉攣急虎骨酒方

虎骨

酒浸炙
參兩

乾薑

炮貳
兩

芎藭

地骨皮

白朮

剉

豬椒根

剉洗

五加皮

各貳
兩

枳殼

去瓢炒
壹兩半

丹參

肆
兩

熟乾地黄

切焙
參兩

右一十味麤搗篩用生絹袋貯以清酒三斗浸四宿每日空腹服一盞加至

二盞

治肝藏風氣四肢筋脉攣急身體強直薏苡人湯方

薏苡人

芎藭

石膏

碎研各
壹兩

羌活

去蘆頭
叁分

柏子人

研

酸棗人

炒各
壹兩

附子

炮裂去皮
臍叁分

右七味除研者剉如麻豆每服三錢七水一盞生薑三片煎至七分去滓温

服不計時候

治肝藏風氣攻注四肢筋急疼痛及脚膝少力行步艱難木瓜丸方

木瓜

去皮子薄切
焙乾貳兩

牛膝

去苗酒
浸切焙

芎藭

羌活

去蘆頭各
壹兩半

附子

炮裂去皮
臍貳兩



右五味搗羅為末，鍊蜜丸。如梧桐子大，每服三十九丸，煎牛膝酒下，漸加丸數，空心食前。

治肝風筋脉拘急，背膊勞倦，及頭昏項頸緊急，疼痛獨活湯方。

獨活去蘆頭 甘菊花擇 蔓荊實 芎藭各壹兩

右四味麤搗篩，每服三錢，七水一盞，入酸棗人忌實各五十粒，研碎同煎，至

七分去滓，溫服，不計時。

治筋急轉筋，舒展不能，烏頭丸方。

草烏頭半斤用鹽水浸三日取出洗切 麩炒 麩焦為度 去麩用 荆芥穗半斤

右二味搗羅為細末，別用宣州木瓜二枚，炊熟去皮瓤，入前件藥杵令勻，用

酒煮麩糊和丸，如梧桐子大，每服三十九丸，加至五十九丸，食前木瓜湯下，日三

疹筋

論曰：人有尺脉數甚，筋急而見病，名疹筋。是人腹必急，白色見則病甚，夫熱則筋緩，寒則筋急。今肝氣內虛，虛則生寒，故筋急而見其尺脉數甚者，蓋尺裏以候腹中，其人腹急則尺脉見數，數亦為虛，以腹內氣虛故也。其證筋急而見故曰疹筋，視其色白黑為病，甚者氣既寒而筋急，其色又見白黑，是為寒甚。



南京中醫藥大學圖書館藏

之證

治肝虛筋脉不利腹急筋見脇肋脹滿薏苡人湯方

薏苡人

防風去義

桂去皮

當歸切焙各壹兩

酸棗人炒叁分

白茯苓

去皮海桐皮

革薺各半兩

芍藥叁分

右九味㕮咀如麻豆大每服三錢七水一盞半煎取八分去滓溫服不拘時

候

治肝氣虛寒筋脉急見於外成疹不已補肝湯方

防風

去義貳兩

細辛去苗葉半兩

白茯苓

去黑皮貳兩

柏子人壹兩

桃人

去皮共雙炒半兩

桂去皮

甘草炙

山茱萸

蔓荊實

各壹兩

右九味麤擣篩每服五錢七水一盞半大棗三枚擘破煎至一盞去滓空心

頓服晚食前再煎服

治肝虛生寒脉數筋急腹脇妨悶筋見於外柏子人飲方

柏子人

茯苓去皮

防風去義

細辛

去苗葉各叁分

當歸剉微炒

檳榔

各半兩剉

白朮

桂去皮

附子

炮裂去臍皮半兩



芍藥

枳殼 去瓢 炒 各參分

右一十一味判如麻豆大每服三錢七水一盞入生薑三片棗二枚同煎至

七分去滓溫服不計時候

治肝虛寒筋急腹滿腹脹柏子人丸方

柏子人

黃耆 剉

白茯苓 去黑皮

楮實

覆盆子

五味子

附子 炮裂去皮臍

石斛 去根

酸棗人 炒

鹿茸 酥炙去毛

桂 去麤皮

白朮

沈香 剉

枳實 炒 燹

熟乾地黄 焙各壹兩

右一十五味搗羅為末鍊蜜和搗三二百杵丸如梧桐子大每服三十丸溫

酒下空心及晚食前服

治肝藏風筋脉成疹腹助急痛羌活湯方

羌活 去蘆頭

白朮

麻黃 去根節煮掠去沫焙

側子 炮裂去皮臍

丹參

當歸 剉炒

防風 去叉

羚羊角 銹屑各叁分

白茯苓 去黑皮 草薢

桂 去粗皮各半兩

右一十一味判如麻豆每服三錢七以水一盞入生薑三片煎至七分去滓

溫服不拘時候



治肝氣不足筋脉急見心腹壅滯左肋妨脹不思飲食茯苓湯方

白茯苓去黑皮 前胡去蘆頭

白朮 鼈甲塗醋炙黃去裙襴

沉香剉 黃耆剉各壹兩 桂去蘆皮

枳實剉炒微黃各半兩

生乾地黄 五味子各壹分

右一十味麤搗篩每服三錢七以水一盞入生薑三片煎至七分去滓溫服

不拘時

膽門

膽虛

論曰足少陽經不足者膽虛也虛則生寒寒則其病恐畏不能獨卧口苦善太息嘔宿汁心下澹澹如人將捕之益中介介數唾頭眩痿躄足指不能搖坐不能起僵仆目視眈眈蓋膽虛則精神不守其氣上溢循其所在而生病也

治膽氣不足常多恐懼頭眩痿厥四肢不利僵仆目黃中正湯方

茯神去木 酸棗人炒微 黃耆剉 羌活去蘆頭各壹兩 熟乾地黄切

甘菊花 柏子人 防風去叉各人參 白芍藥

當歸切 甘草炙剉各半兩



右一十二味麤搗篩每服三錢七水一盞煎至七分去滓溫服不拘時

治膽經虛冷不能獨卧心下澹澹如人將捕頭眩痿厥目黃失精遠志湯方

遠志心去

熟乾地黄切焙各壹兩

防風去

人參

甘菊花

白朮

桂去麤皮

茯神去木

細辛去苗葉

前胡

去蘆頭各冬分枳殼去瓤炒半兩

右一十一味麤搗篩每服三錢七水一盞入生薑三片煎至七分去滓溫服

不拘時

治膽虛生寒氣溢胸膈頭眩口苦常喜太息多嘔宿水天雄丸方

天雄

炮裂去皮人參

山芋

桂去麤皮各壹兩

黃耆剉

白茯苓

去黑皮防風去

柏子人細研

山茱萸

酸棗人炒各叁分

右一十味除柏子人外搗羅為細末與柏子人和勻鍊蜜為劑杵五百下丸

如梧桐子每服三十九溫酒下空心食前

治肝虛膽寒心神不安卧即驚覺目昏心躁四肢不利黃耆湯方

黃耆剉叁分

人參

檳榔剉

白朮

百合

酸棗人炒

白茯苓去黑皮

麥門冬去心焙

桂去麤皮

附子炮裂去皮各半兩



右一十味判如麻豆每服五錢七水一盞半入薑五片煎至一盞去滓温服
空心食前日二

治足少陽經不足目眩痿厥口苦太息嘔水多唾沉香湯方

沉香判 白茯苓去黑皮 黃耆判 白朮各壹兩 芎藭

熟乾地黄切 五味子各叁分 枳實去穢炒 桂去麤皮各半兩

右九味麤搗篩每服三錢七水一盞入生薑二片同煎至七分去滓温服不

計時

治膽虛勞煩精神不守奔氣在胸眠睡多恐人參湯方

人參 桂去麤皮各壹兩 酸棗人微炒 白茯苓去黑皮 知母焙

石膏碎各壹兩半 甘草炙剉

右七味麤搗篩每服五錢七用水一盞半生薑五片煎至一盞去滓温服不

計時

治膽受冷精神不安眼目昏暗卧起不定犀角飲方

犀角鎊屑壹兩 羌活去蘆頭壹兩 酸棗人炒叁分 茯神叁分 甘菊花壹兩

防風去叉叁分 人參叁分 此胡去苗壹兩



右八味麤搗篩每服五錢七水一盞半煎至八分去滓食後溫服日三
膽實

論曰膽實則為有餘有餘則生熱故其證若腹中氣滿飲食不下咽乾心脇痛不能轉側足外反熱是為陽厥及頭痛目銳皆痛缺盆中腫痛腋下腫馬刀伏瘰皆謂膽氣實足少陽經壅滯故也

治膽經有餘腹中冒冒氣滿不安咽乾頭重枳殼湯方

枳殼

去瓤麩炒壹兩

人參

葵子

甘草

炙剉各半兩

赤茯苓

去黑皮

黃芩

去黑心各叁分

右六味麤搗篩每服三錢七水一盞入生薑三片煎至七分去滓溫服不計

時

治足少陽經伏熱積久腹中氣滿睡卧不安頭昏口苦小便不利升麻湯方

升麻

麥門冬

去心焙

黃芩

去黑心

茯神

去木

大黃

剉炒

地骨皮

剉焙

羚羊角

銹

甘草

炙剉各等分

右八味麤搗篩每服三錢七水一盞入青竹茹少許煎至七分去滓溫服食

後臨卧服

治膽經實熱心神驚悸小便不利棟實丸方

棟實 參兩以童子小便浸一夜宿文火煮爛去核焙乾

大黃 剉

梔子人 炒各壹兩

人參

赤茯苓 去黑皮 酸棗人 半炒用半生用別研

蛇黃 燒令赤酒中洋五度別研各壹

金牙石 搗碎壹兩壹分

右八味除別研者外擣羅為末再一處拌勻鍊蜜丸如梧桐子大每日早食後及夜卧用熟水下十五丸至二十丸

治邪熱干膽神思不寧喜怒狂躁口苦舌乾山梔子飲方

山梔子人 壹兩半

甜竹筴 微炒壹兩 豉 升壹

大青 樹錢

陳橘皮 湯浸去白焙壹兩

右五味麤搗篩每服三錢七水一盞入蜜少許煎至七分去滓溫服食後夜

卧各一

治膽實生熱腹中氣滿飲食不下咽乾頭重洒洒惡寒兩脇脹痛半夏東流水

湯方

半夏 湯洗柒遍去滑炒壹兩半

酸棗人 貳兩別研入

黃芩 去黑心半兩

遠志 心去

赤茯苓 去黑皮各壹分

生地黄 切焙貳兩



右六味除別研外麤搗篩再拌勻每五錢七用東流水二盞入秫米半合生薑五片煎至一盞去滓分溫二服空腹食後各一服

治膽實熱苦冒氣滿食飲不下咽乾心脇痛不能轉側頭目連缺盆骨痛半夏湯方

半夏為末生薑汁和作餅暴乾

酸棗人各壹兩半黃芩去黑心半兩遠志去心

山梔子去皮赤茯苓去黑皮各壹兩

秫米叁大合

右七味麤搗篩每服五錢七水一盞半生薑五片生地黃半分切煎至八分去滓食後溫服

治膽熱精神不安臥起不定口中常苦胡黃連丸方

胡黃連壹兩青羊角銹屑壹兩熊膽壹分蛇黃大版去大毒半兩

青黛別研壹分

右五味搗羅為末研令勻用黃牛膽按和為丸如菘豆大每服七丸煎竹葉湯下晚間再服無牛膽以羊膽代

治膽伏熱精神驚悸不安菊花散方

甘菊花壹兩牛黃研半兩犀角銹屑叁分鐵粉半兩麥門冬去心焙半兩



中國醫藥大學圖書館

黃連去煩
參分

鉛霜半兩

獨活去蘆頭
壹兩

白附子炮半兩

右九味搗羅為細散研和勻每服二錢七食後淡竹瀝調下或金銀煎湯下亦得

治膽實熱精神不安瀉熱湯方

龍骨

酸棗人微炒

黃芩去黑心

茯神去木

伏龍肝

升麻

竹茹

甘草炙各等分

右八味麤搗篩每服三錢七水一盞煎至七分去滓食後溫服日三

膽虛不得眠

論曰膽虛不得眠者膽為中正之官足少陽其經也若其經不足復受風邪則膽寒故虛煩而寢卧不安也

治肝虛膽寒夜間少睡睡即驚覺心悸神思不安目昏心躁肢節萎弱補肝去膽寒和氣五補湯方

黃耆參分

附子炮裂去皮臍去

人參

檳榔剉

白朮

百合

酸棗人微炒

白茯苓去麤皮

麥門冬湯浸去心焙乾

桂去麤皮各半兩



右一十味除酸棗人外細判分為十貼每貼水兩盞入生薑五片同煎至一盞去滓空心溫服日二

治膽寒虛煩不得眠溫膽湯方

半夏湯洗去沫 竹茹

枳實去瓢 炒

陳橘皮湯浸去白 焙

甘草炙 壹兩

右五味麤搗篩每服五錢七以水一盞半入生薑半分切煎取七分去滓溫服

服

治膽寒虛煩不得眠千里流水湯方

半夏湯洗去沫 焙乾 麥門冬去心 焙

白茯苓去黑皮

酸棗人炒 甘草炙

桂去麤皮

黃芩去黑心 遠志去心

草薺 人參各貳兩

右一十味麤搗篩每服五錢七先以千里流水五盞入秫米半合煮候沸揚

之千過澄清取一盞半入藥并生薑半分切再煎取一盞去滓溫服

治膽虛睡卧不安精神恐怯酸棗人丸方

酸棗人貳兩 微炒 搗研

人參

白朮

白茯苓去麤皮



半夏湯洗去滑切焙

乾薑炮各壹兩半 陳橘皮去白焙 榆白皮剉

旋復花 前胡剉各壹兩

檳榔伍枚椎碎

右一十一味搗羅為末鍊蜜丸如梧桐子大空心食前煎棗湯下二十九日再服加至三十九丸

治膽虛冷頭痛心中驚悸睡卧不安常如人將捕之精神不守五味子湯方

五味子 白茯苓去黑心皮 人參 芎藭 遠志去心

酸棗人微炒 熟乾地黄焙 麥門冬去心焙各壹分 桑寄生半兩剉

右九味麤搗篩每服三錢七水一盞棗二枚同煎至七分去滓溫服空心食

前

治膽氣虛熱不睡酸棗人丸方

酸棗人炒 地榆各壹兩和苗用 丹砂研 茯神去木 人參

菖蒲剉各半兩

右六味除丹砂外搗羅為細末入丹砂令勻蜜和丸如梧桐子大每服米飲下二十丸不拘時候

治膽虛冷精神不守寢卧不寧頭目昏眩恐懼不能獨處山芋丸方



山芋

酸棗人微炒各

柏子人研

茯神去木

山茱萸各分

右五味搗羅為末，銖蜜和丸，如梧桐子大，每服三十九丸，溫酒下，米飲亦得，不拘時候。

治膽虛睡卧不安，多驚悸，人參散方。

人參

白茯苓去黑皮各壹兩

丹砂研別

茯神去木各半兩

右四味搗研為細散，每服一錢七，粥飲調下，不拘時候。

治膽虛不得眠，睡酸棗人丸方。

酸棗人微炒

地榆并苗用

茯神去木各壹兩

右三味搗羅為末，銖蜜和丸，如梧桐子大，每服二十九丸，米飲下，不拘時候。

治膽風不得眠，睡精神恍惚，乳香散方。

乳香研

馬頭腦骨灰研各壹兩

酸棗人貳兩微炒研

右三味研令細，和勻，每服二錢七，溫酒調下，不拘時候。

膽熱多睡

論曰：膽熱多睡者，膽府清淨，決斷所自出。今肝膽俱實，榮衛壅塞，則清淨者濁。



而擾故精神昏憤常欲寢卧也

治膽熱精神不守昏困多睡半夏湯方

半夏湯洗去滑焙參兩

生地黃伍兩

遠志去心

赤茯苓去黑皮各貳兩

黃芩去黑心壹兩 酸棗人生用壹兩半

右六味判如麻豆每服先以長流水三盞入秫米半合煎取一盞半去米揚之千偏入藥五錢七煎取八分去滓溫服

治榮衛氣溢精神不爽膽熱多睡頭目昏塞麥門冬湯方

麥門冬去心焙 天門冬去心焙 羚羊角銹各分 木通判

前胡去頭蘆

大黃判炒各肆錢 半夏湯洗去滑焙乾

甘草判

防風半兩

右九味麤搗篩每服三錢七以水一盞入生薑三片煎至六分去滓溫服食後

治氣昏多睡晝夜不足遠志丸方

遠志去心 人參

山芋

防風去心

玄參各貳兩半

苦參 鐵粉細研 烏頭存性燒灰各叁兩

右八味搗羅為末鍊蜜為丸如梧桐子大食後米飲下二十九日再漸加至



三十丸

治膽熱口苦神昏多睡黃連湯方

黃連去須

黃芩去黑心

赤茯苓去黑皮

麥門冬去心焙

升麻

各壹分

右五味麤搗篩每服三錢七水一盞煎至七分去滓放溫食後服

治膽風毒氣虛實不調昏困多睡酸棗人湯方

酸棗人

研生用壹兩

臘茶

以生薑汁塗炙令微焦貳兩

右二味麤搗篩每服二錢七水一盞煎至七分去滓溫服不計時候

膽痺

論曰內經謂有病口苦名曰膽痺夫膽為中正之官清淨之府十一藏之所取決咽為之使若數謀慮不決則膽虛氣上溢而口為之苦膽主藏而不寫今數謀不斷則清淨者濁而擾矣故氣上溢而其證為口苦也經所謂是動則病口苦以氣為是動也

治肝膽俱虛熱氣上薰口中常苦泄熱益膽湯方

黃芩去黑心

甘草炙剉各貳兩

人參

桂去麤皮各壹兩

苦參

茯苓去木各半兩



右六味麤搗篩每服三錢七以水一盞半煎取七分去滓溫服不拘時

治謀慮不決膽氣上溢虛熱口苦神思不爽半夏茯苓湯方

半夏 湯洗去滑焙乾

赤茯苓 去黑皮 麥門冬 去心焙

酸棗人 桂去麤皮

黃芩 去黑心 遠志 去心 人參 各貳兩

甘草 炙剉壹兩半

右九味麤搗篩每服五錢七水一盞半入生薑五片粳米一匙頭許同煎至

一盞去滓溫服不拘時

治謀慮傷膽膽氣上溢膈脘虛煩常覺口苦地骨皮湯方

地骨皮 生乾地黃 各伍兩細剉 前胡 去蘆頭貳兩半 茯神 去木貳兩

麥門冬 去心焙 知母 各貳兩半 人參 甘草 炙剉各貳兩

右八味麤搗篩每服五錢七水一盞半入豉及粟米各少許同煎至一盞去

滓溫服不拘時

治膽虛氣逆口中常苦煩躁引飲麥門冬湯方

麥門冬 去心 地骨皮 黃芩 去黑心 茯神 去木 天黃 剉

升麻 甘草 炙 羚羊角 各半兩



右八味麤擣篩每服三錢七水一盞入竹茹半分同煎至七分去滓食後溫服

治膽熱氣逆口苦煩渴梔子湯方

梔子人貳拾壹枚升麻

黃芩去黑心

大青

茯神去木各叁分

甘草半兩炙剉

右六味麤擣篩每服三錢七水一盞入豉五十粒煎至七分去滓入蜜半合

更煎三二沸食後溫服

治膽虛氣逆邪熱攻衝口苦煩渴人參湯方

人參

甘草炙剉

冬葵子各半兩

黃芩去黑心

赤茯苓去黑皮

枳殼去瓢各叁分

右六味麤擣篩每服三錢七水一盞入生薑半分煎至七分去滓溫服不拘

時

治膽熱口苦胡黃連丸方

胡黃連壹兩

青羊角鎊

蛇黃搗研如粉各半兩

熊膽研

青黛研各壹分



右五味搗研為末用黃牛膽汁和丸或羊膽和丸如菜豆大每服七丸食後
溫竹葉湯下



大德重校聖濟總錄卷第四十二

